



Republika e Kosovës
Republika Kosovo / Republic of Kosovo



Kuvendi i Komunës Rahovec

Opština Skupština Rahovec/Municipality of Rahovec

PROCESVERBAL

Nga mbledhja e rregullt e Kuvendit Komunal të Rahovecit, e mbajtur më **30.01.2020**, me fillim në ora **10:00**. Mbledhjen e kryesoi: Kryesuesi i Kuvendit z. **Afrim Dina**. Konstatohet se kuorum, për mbajtjen e mbledhjes kemi:

Kryesuesi – Fillimisht më lejoni t'iu përshëndes, i nderuar Kryetar i Komunës z. Smajl Latifi, nënkryetar i Komunës z. **Fatmir Iska**, të nderuar kuvendarë, drejtor të drejtorive Komunale, përfaqësues të OSBE-së, KFOR-it, media, dhe ju gjithë të pranishëm!

Të nderuar kuvendarë, me datën 28.01.2020 pra të këtij muaji, është vrarë polici i Republikës së Kosovës, në shenjë nderimi dhe respekti, ju ftoj të gjithëve për një minutë heshtje. Lavdi!

Për këtë mbledhje sot propozojmë këtë :

REND DITE

REPUBLIKA E KOSOVËS / REPUBLIKA KOSOVO / REPUBLIC OF KOSOVO	
KUVENDI I KOMUNES / SKUPŠTINA OPŠTINE / MUNICIPAL ASSEMBLY	
RAHOVEC / ORAHOVAC	
Njësia Nr./Br./No 01 (Kuvendi i Komunës)	
Nr./Br./No 01/44	Nr. i faq./Br. str./No. pg. 36
Data/Datum/Data 28 / 02 / 2020	

1. Aprovimi i Procesverbalit nga mbledhja e kaluar,
2. Pyetjet dhe përgjigjet në pyetjet e kuvendarëve,
3. Shqyrtimi dhe aprovimi i Propozim vendimit për miratim të buxhetit për vitin 2020,
4. Shqyrtimi i Raportit vjetor financiar për vitin 2019,
5. Shqyrtimi dhe aprovimi i Propozim vendimit për tejkalimin e të hyrave vetanake për vitin 2019,
6. Shqyrtimi i implementimit të Planit të veprimit për zbatimin e rekomandimeve të Auditorit të Përgjithshëm sipas planit të veprimit për vitin 2019,
7. Shqyrtimi i raportit të punës së Kryetarit të Komunës për vitin 2019,
8. Shqyrtimi i Planit të punës së Kryetarit të Komunës dhe qeverisë komunale për vitin 2020,
9. Shqyrtimi dhe aprovimi i vendimit për dhënien e pëlqimit për këmbimin e pronës komunale me pronë private,
10. Shqyrtimi dhe aprovimi i Propozim vendimit për shpalljen me interes të përgjithshëm publik për ndërtimin e sheshit qendror të qytetit në Rahovec,
11. Shqyrtimi i raportit të punës së Këshillit të fshatit Hoçë e Madhe për vitin 2019.

Kryesuesi- Te nderuar kuvendarë, a jeni për këtë rendë dite. Po urdhëroni z. Hoxha!

Fehmi Hoxha – Përshëndetje kryesues,kryetar,nënkryetar,ekzekutiv,kolegë kuvendarë, përfaqësues të mediave, OSBE-së, KFOR-it dhe gjithë ju të pranishëm. Në kemi një vërejtje te pika e dhjetë e rendit të ditës:Shqyrtimi dhe aprovimi i Propozim vendimit për shpalljen me interes të përgjithshëm publik për ndërtimin e sheshit qendror të qytetit në Rahovec. Unë mendoj që këtu duhet të formulohet ndryshe, pra duhet të jetë kështu: Marrja e vendimit të Kuvendit Komunal për inicimin e procedurave për ndërtimin e sheshit qendror në Rahovec. Pra njëherë duhet të zhvillohen të gjitha paraprake të cilat janë pra duhet bërë debatet publike pastaj afatet e shqyrtimeve publike, duhet të merret mendim i qytetareve që unë besoj që të gjithë janë dhe do të jenë por pa i krye këto procedura ne nuk mund të marrim vendim për me shpallë me interes të përgjithshëm. Pra marrja e vendimit për inicimin e procedurave duhet të jetë këtu dhe me pas gjitha këto kur përfundojnë, përsëri vjen edhe e shpallim me interes të përgjithshëm parcelën e cila është në fjalë. Faleminderit shumë

Propozimi im është se nëse nuk e miratoni, duhet të vëni në votë

Rexhep Oruqi – Faleminderit kryesues, përshëndetje per ju, kryetarin, nënkryetarin, antarët e kuvendit dhe gjithë ju që jeni prezentë në këtë seancë. Unë po dua me iniciua një çështje që nuk ka të bëjë me propozimin e Fehmi Hoxhës, ky kuvendë e patë themeluar një komision për Stacionin e Autobusëve me datën 30.04.2018 që gati dy vite që po bëhen, komisioni është i përberë nga unë Rexhep Oruqi,Hanalora Hoti dhe Përparim Krasniqi. Ne jemi mundur të kryejmë disa punë shumë te rëndësishme, janë krye shumë procedura por na kanë mbetur edhe shume punë e propozoj që ky vendim të ndryshohet dhe plotësohet sepse për pikën 4 thotë që për punën që do ta kryen ky komision, paguhet nga 50 euro prej stacionit të autobusëve, ligjërisht kjo punë nuk mund të bëhet ashtu sepse ne komisioni po e formojmë një ndërmarrje të re, qe na ka formuar ky kuvendë, tjetër është kur një aksionar kur formohet bordi dhe është dinamike, kane mjete që paguhen por ne më të vërtet si komision nuk kemi mundur as edhe një cent me marrë as nga stacioni sepse ata janë me vështirësi janë duke mbijetuar dhe kanë nevojë për ndihmën e kuvendit për ti rregulluar disa gjëra. Propozoj qe pika e katërt të ndryshohet dhe të plotësohet që pagesa le ta bën komuna sepse ne ende jemi në aktivitetin e komunës, pasi ende nuk është themeluar dhe pasi që jemi komision i kuvendit dhe duhet kuvendi të na paguaj, kisha kërkuar mirëkuptim edhe prej kryetarit edhe prej gjithë anëtareve të Kuvendit që të votojmë këtë ndryshim dhe të shkojmë para pasi kemi edhe shumë punë të pakryera. Ju faleminderit

Sali Sallteku – Përshëndetje për të gjithë juve të pranishëm, unë e shoh këtë pikë të rendit të ditës sidomos pikën e tretë që nuk ka asnjë ndryshim, janë disa përmirësime të lehta por që për mua nuk kanë kurrfarë ndryshimi edhe këtë kryetari ka mundur me krye edhe para 4 muajve këtë pikën e tretë që mos me na ardh tani, që tash po besoj është shumë vonë, e di që nuk do ta ketë lehtë pasi edhe me herët i kam thënë se duhet ta shpërndajë buxhetin në mënyre të drejtë por ka prape e ka vazhdua kështu çdo herë si ne mandatin e parë, pastaj në zgjedhjen e kryesuesit ka vazhdua njëjte pastaj e tërhoqi vete nga pika e rendit të ditës e që tash e ka vënë prapë,kjo nuk është e drejtë dhe nuk është e mirë, unë nuk jam për me bllokua kurrgjë por nuk është mirë sepse e ke tërheq vetë dhe ndoshta atë dit që ne e kishim votuar dhe ky nuk e ka ditur këtë dhe tash e ka prue me pak përmirësime që për mua nuk ka kurrfarë ndryshimi, ajo që ishte me herët shihet që është prapë, tani është në dorën e kuvendareve por për mendimin tim po bën gabime shumë të mëdha që nuk duhet përsëritur. Faleminderit shume

Kryesuesi – Kuvendarë të nderuar, jemi tek aprovimi i rendit të ditës,asambleisti Fehmi Hoxha ka bërë një propozim rreth emërimit të emërtimit të pikës se rendit të ditës.Po urdhëroni drejtor, z.Zhuniqi

Rumir Zhuniqi – I nderuar kryesues,kryetar,nënkryetar,asambleistë dhe ju kolegë drejtorë. Drejtoria për Urbanizëm në konsultim bashkë qeverinë komunale ka marrë një vendim për ndërtimin e zonës qendrore apo sheshit qendror të qytetit në Rahovec. Fillimisht atë zonë e kemi destinua për qendër pra zonë qendrore mirëpo në parcelat të cilat janë në atë pjesë përveç sheshit do të ketë edhe ndërtime tjera që janë në kuadër të zonës se

sheshit qendrorë. Në këtë rast ne kemi kërkuar me u shpallë zonë me interes publik në mënyre që të lirohet ajo zonë dhe të ndërtohet sheshi.

Kryetari – Faleminderit kryesues, faleminderit kuvendarë për prezencën, përshëndetje për të gjithë, përfaqësuesit e mediave, KFOR-it, OSBE-së, nenkryetar, bashkëpunëtor drejtorë. Unë e kuptova drejtë shqetësimin që ngri z. Fehmi Hoxha, në faktë ne kemi një marrëveshje pasi kemi nënshkruar një memorandum mirëkuptimi me UN-Habitati si një institucion apo mekanizëm i specializuar për planifikime, ne kuadër të të cilave aty do të ketë dëgjime publike të cilat ata vet kanë me i bo me të gjitha grupet e interesit, më gjithë qytetarët dhe me sa jam në dijeni bilum prita nga Drejtori i Urbanizmit të potencojë këtë, tash ata në fillim të shkurtit ata fillojnë me rekrutua edhe stafin e vet pra UN- Habitatit që është një organizatë ndërkombëtare besoj që Fehmi Hoxha e din sepse ka pasur rast me punua me të gjithë, pra të gjitha dëgjimet publike faza e konsultimeve ka me ndodhë mbi këtë bazë pasi ka me u shpallë konkurse ndërkombëtare i projektimit, te cilin konkurs ata e shpallin vetë, ata i përcaktojnë kriteret kuptohet ne bashkëpunim me komunën dhe do të konkurrojnë, ndërsa juri do të përzgjedh projektin me te mirë ideor e më pastaj fillon projekti kryesor me u hartua edhe tek me vone ne kemi me ditur se çka do të ketë në krejt atë zonë ku parashihet me ndodhë i ashtuquajtur sheshe qendrorë i qytetit që ne veq si emërtim e kemi vënë emrin por mund të ketë plotë elemente tjera të cilat nuk mund të i prejdukojmë tash për shkak se faza e konsultimeve publike do të filloj, do të dëgjohen dhe do të vendosen plotë sene, ne ndërkohe pse po kërkojmë me shpallë zonë të interesit të përgjithshëm ose parcela me interes të përgjithshëm, kjo bëhet vetëm me mbrojtje potencialisht ndonjë invazion potencial që mundet me pas , edhe pse është pronë e komunës, mos me lejua se kemi hyrë në një proces të rëndësishëm të planifikimit me UN-Habitatit që është bartëse e asaj që quhet një planifikim prej A deri ZH ku sipas ligjit dëgjimet publike kanë me ndodhë. Në vetëm po kërkojmë me shpallë si zonë me mbrojtje dhe asgjë me shumë d.m.th. ne nuk e dimë se çka ka me ndodhë saktë tani, bilum unë besoj qe edhe Fehmia ka me u implikua në këtë proces, ata kanë kërkuar ekspertizë edhe prej komunës, UN-Habitati qe veq na kemi nënshkruar marrëveshje dhe njëra është e Rahovecit Zana Hoxha që punon me ata po ashtu me njërin nga kryesoret e UN-Habitat kam nënshkruar marrëveshje ne emër të qytetarëve të komunës se Rahovecit edhe ata i kryejnë krejt këto procedura edhe te dëgjimit publik.

Fehmi Hoxha – Faleminderit shume kryetar dhe kuvendarë të nderuar, unë edhe ne jemi për ndërtimin e sheshit patjetër mirëpo proceduralisht dhe juridikisht duhet me i krye disa procedura, në këtë rast merret vendimi për iniciimin e procedurave pasi është shume me rëndësi kjo, sepse kemi pasur raste edhe ne qeverisjen e kaluar ku kuvendaret kanë kërkuar, këtë po e themi sepse kemi parcelat që aktualisht komuna që ky kuvend 15 vite ka vendosur me ja dhanë në shfrytëzim Hotel Parkut edhe Hoteli është në kuadër të asaj parcele po ashtu edhe terasa është në kuadër te asaj parcele, kur të merret vendim për iniciimin e procedurave me pas formohet komisioni dhe duhet të merret pëlqim edhe nga ana e shfrytëzuesit aktual faktikisht kompania që e ka hotel Parkun, te merret vendim për iniciimin e procedurave, asgjë nuk i pengon UN-Habitatit edhe komisionit i cili do të bëj, propozimi i atyre që do të del pastaj shkon neper debate publike, shqyrtime publike dhe me pastaj ne marrim vendim këtu si kuvendë pasi që shterën të gjitha mundësitë juridike pra shfrytëzohen faktikisht edhe marrim vendim për shpalljen e interesit të përgjithshëm. Nëse nuk ju pëlqen qytetarëve atë që po dojnë me bo ose kontraktoreve qe kemi kontratë me ata, si do të marrim ne një vendim për shpalljen me interes të përgjithshëm, nuk kemi nevojë kryetar sepse pronë komunale dhe nuk ka kush me hie aty, e menaxhon komuna e nuk e menaxhon ndonjë agjencionë tjetër që mundet me i zhvillua procedurat p.sh. agjencioni pyjor i Kosovës, pra ajo është pronë komunale dhe ky kuvend vendos për atë prandaj edhe njëherë po propozoj formulohet ndryshe si Marrja e vendimit nga ana a kuvendit komunal për iniciimin e procedurave për ndërtimin e sheshit të qendrës se qytetit. Faleminderit

Kryetari – Nëse me lejohet edhe një argument shtesë që duhet ta dinë edhe anëtarët e kuvendit se ka pretendime agjencioni kosovar i privatizimit, në e kemi shqyrtua me shume seriozitet këtë çështje, unë kam takuar edhe kryeshefin edhe shefat e departamenteve, aty në fakt është edhe prona e komunës edhe objekti figuron nga agjencinë kadastral, edhe objekti edhe pse komuna nuk ka ndërmarr asgjë nga viti 1985, ne të gjitha të drejtat ligjore i kemi me marr në shfrytëzim të përhershëm atë pronë ligjërish mirëpo nëse ne nuk e

mbrojmë pronën me vendim të kuvendit atëherë natyrisht mund të ballafaqohemi me pretendimet që mund të jenë joligjore ndoshta por që janë të natyrshme nga agjencioni kosovar i privatizimit. Pikërisht për këtë qëllim, në duhet ta mbrojmë pronën tonë nga përpjekjet e agjencioneve tjera pra institucioneve tjera eventualisht për ta rikthyer në pronësi. Ne jemi shumë të sigurtë, që pajtohemi me gjithë procedurën që ti e thua, që vendimi për mbrojtjen e kësaj prone ose për shpalljen me interes të veçantë është vendimi me i drejtë i mundshëm në ballafaqimet eventuale të komunës në të ardhmen. Prandaj ne vetëm po kërkojmë me mbrojtje nga marrja eventuale, të gjitha procedurat do të zgjidhen siç thua ti hotel Parki dhe të tjerat janë në rregull, jam plotësisht dakord me atë pjesë mirëpo ne duhet ta mbrojmë pronën e cila është komunale mirëpo dikush po thotë ka në regjistra të AKP-së se nuk është, ne e kemi verifikuar tashme definitivisht prandaj e kemi zgjedh sot momentin me qitë në kuvendë sepse unë veç kisha menduar se qysh në mandatin e parë e kanë qitë në Kuvendë por nuk e kishin pas qitë, pastaj në mandatin e Idrizit kam menduar se u qitë në Kuvendë mirëpo nuk ish qitë prandaj ne duhet vetëm me mbrojtje pronën dhe asgjë më shumë pra vetëm me mbrojtje nga pretenduesit eventuale, s'kemi kurrë kundër askujt por mundemi me u ballafaquar nesër e kur ta kemi edhe vendimin për mbrojtjen nga Kuvendi Komunal që e ka shpallur zonë e interesit veçantë ose zonë të interesit të përgjithshëm është një siguri shtesë, pra ky është kuptimi i krejt kësaj kërkesë dhe ky është mesazhi i kësaj kërkesë kurse për pjesën tjetër që thuani ju Fehmi është në rregull, pa procedura, pa shkua me marr pëlqimin tek shfrytëzuesi dhe pa i krye disa punë të tjera në Kuvend pra të gjitha këto i kuptoj shumë mirë por vetëm ta mbrojmë si zonë.

Fehmi Hoxha – Nuk po dua me replikua kryetar mirëpo ligjërisht është dokumenti i parë që nxirret është marrja e mendimit për iniciimin e procedurave pra procedurat njëherë duhet të përfundojnë e me pastaj e shpallim me interes të përgjithshëm, askush këtu nuk është për me marr dikush tjetër apsulitikisht, por juridikisht duhet me vazhdua kështu si po ju them dhe po ju propozoj. Faleminderit

Dervish Çadraku – Përshëndetje Kryesues, Kryetar, Nënkryetar dhe ju të pranishëm kolegë. Unë mendoj që kjo pikë e rendit të ditës është me së lehti për të kaluar në këtë Kuvend, ashtu si propozoj Fehmi Hoxha d.m.th. iniciimi i procedurës sepse ka shumë të panjohura këtu për të cilat pastaj do të ishim në përgjegjësi si kuvendarë për të cilën e kemi iniciua këtë procedurë. Unë mendoj që nuk shkon shumë gjatë sikur që tha edhe dikush më përpara se prej kujt do ta mbrojmë në këtë pronë pasi kjo pronë është e komunës dhe për një muaj nuk është kohë e gjatë që neve me na furnizua me dokumentacione, me i njoftua njerëzit sepse jemi pastaj përgjegjës ne. Unë nuk po them që kjo të zgjatet por menjëherë ne mbledhjen tjetër të na furnizoni me materiale që të jemi mjaftueshëm të njoftuar dhe të vetëdijshëm për gjendjen dhe sigurisht me votua ne këtë me të drejt apo të drejtë kështu që unë edhe nëse e shtie në rend të ditës për me biseduar për këtë punë janë vetëm sugjerime për juve se çka me bo, përndryshe nuk mendoj se është mirë me kalua kjo pikë e rendit të ditës në këtë ditë d.m.th. me së largu mundemi me lanë për mbledhjen tjetër. Faleminderit!

FehmiCena- Faleminderit Kryesues, përshëndetje për juve, Kryetarin, për kolegë këshilltarë, drejtorët, monitoruesit dhe gjithë ju prezentë në këtë sallë. Në fakt edhe ne kemi dilema dhe paqartësi rreth pikës së dhjetë për ndërtimin e këtij sheshi sepse kemi vërejtur se në kuadër të materialit janë dy prona që janë në shfrytëzim që ka të bëjë me Hotelin dhe tarracën e hotelit, që e tha edhe z. Hoxha paraprakisht edhe ata e kanë kontratën në shfrytëzim, ShPK "Moderne" deri në vitin 2029 dhe tash ne sikur po hasim ndesh me të sepse ky kuvend i ka dhënë në shfrytëzim atij këtë pjesë dhe tash po duam me shpallë me interes të përgjithshëm dhe nuk e dimë se çfarë destinimi pritet pas kësaj kur ne e shpallim me interes të përgjithshëm do të thotë në kuadër të sheshit dhe ne nuk e kemi parë strukturën e sheshit, në kuadër të sheshit qendror për të cilën ne jemi që të bëhet në qytet, çka do të ndodhë me hotel dhe ajo pjesë që është në shfrytëzim, ndoshta duhet të shfuqizohet vendimi ose ajo kontratë, edhe kjo pjesa e iniciimit edhe unë mendoj nuk e rrezikon pronën publike pasi ajo është pronë publike në kuadër të komunës dhe mund të shtyhet edhe për një kohë, në mënyrë që mos të biem ndesh edhe ligjërisht por edhe me interesin e palës që e ka në shfrytëzim këtë pjesë dhe që e ka dhënë kjo komunë.

Kryetari – Ju e dini se agjencioni kosovar i privatizimit për këto prona për të cilat ne po flasim tani, neve na ka paditur pra edhe për pronën e hotelit dhe natyrisht të gjitha pronat pretendon me i marr. Të gjitha pronat janë të komunës dhe po pretendojnë me na i marr, kemi padi që nga viti 2014 dhe ne jemi në dijeni si qeveri

komunale edhe une si kryetar komune. Unë e di se ligjërisht sipas përvojës tonë të përbashkët edhe të juajen, nuk mundën me marr por ne kemi padi edhe për pronat e hotelit që po besoj që janë në dijeni edhe Fehmia dhe të tjerët dhe ne po kërkojmë me i mbrojtë pronat, çdo vonesë Dervish Çadraku neve mundet me na nxjerrë telashe, në vetëm po kërkojmë vendim me i shpallë, të gjitha ato që thuani Fehmi Cena janë të drejta, ne nuk po kërkojmë me ja marr sepse edhe ashtu nuk kemi të drejtë pa procedurë me shpallë kontratë të pavlefshme që e ka deri 2029, përkundrazi ne jemi në rregull me ato dhe as nuk po kërkohet ajo, ne vetëm po kërkojmë që mos me na gjete ndonjë institucion tjetër pra një agjencion shume i rëndësishëm shtetëror që ti merr pronat e tua vetëm që ti nuk i ke shpallë zona të interesit të përgjithshëm për me i mbrojtë me kuvend të komunës. Unë ju kisha lutur asnjë interes nuk e ka asnjëri prej juve dhe për këtë jam i bindur përveç interesit komunal, interesit qytetarë me i mbrojtë pronat tona me një vendim të kuvendit komunal. Pra pretendimet janë të qarta pasi ne kemi lëndë në gjykatë, kurrë nuk është mbledhur seanca gjyqësorë pasi janë ka e dinë, presion është duke u bërë pasi AKP-ja është një agjencion shume i rëndësishëm edhe ne si komunë jemi të detyruar me u mbrojtë në funksion të mbrojtjes nga pretendimet eventuale neve na duhet vendimi për mbrojtje nga Kuvendi Komunal dhe po besoj që ju veçse e keni kuptuar tani. Nuk qëndron ajo që e tha Dervishi që për një muaj sepse nesër mundet me u thirr seanca dhe ti ske vendim të kuvendit komunal për me mbrojtë pronën tënde pra ne po kërkojmë vetëm me mbrojtë pronën me vendim të kuvendit të komunës, sikur të isha në dijeni për kete ,qysh ne vitin 2018 e kisha qitë por tash e kemi marr vesh kur jemi shkue me verifikue procesin në AKP dhe ata na kanë thanë që keni padi dhe dikush e dinë në komunë për këtë dhe unë tash e kam kuptuar tani në këtë dhjetë ditëshin e fundit dhe pikërisht edhe për kete edhe materiali ska ardhë me kohë në KPF.

Fehmi Hoxha –Faleminderit Kryetar, tani e kemi me te qartë edhe nuk kemi pasur nevoj me diskutue me herët.Qellimi është shum i mirë dhe kur vjen radha e pikës se rendit të ditës atëherë do të kyqemi gjithsesi ,pra gjithqka në rregull. Faleminderit shum

Dervish Çadraku – Faleminderit shumë, këto të dhëna që na keni dhënë tani, a i keni ditur më herët dhe pse me kohë nuk na keni njoftuar dhe tjetra pastaj që me siguri Qazimi e din më mirë, a ka konflikt këtu në qoftë se ai e ka paraqit atje padinë dhe a na lejon neve kjo mundësi, dhe e dyta, ju Kryetar a keni qenë të njoftuar kur është deponuar ajo padi, pasi menjëherë duhet me u njoftuar edhe ju si komunë që padia është bërë në llogari tuajën ose në dëm tuajin dhe është dashtë me ditë këtë më herët?

Kryetari – E para e punës ne materiale nuk jepen këto qka thuani ju,ne pronat komunale i kemi mbrojtë me 200 hektar i kemi shpallë si zonë me ineteres të përgjithshëm,vetëm me i mbrojtë nga pretendimet e dikujt. Unë kur jam kon në dijeni rreth kësaj ndoshta edhe nuk kom obligim me te tregue ty ose dikujt,ne momentin kur ne pasi që nevojitet si procedurë, ne kemi menduar se i kemi shpallë zona me interes të përgjithshëm ato dhe ku me dit sa herë edhe në kohën e z.Çeska,edhe te z.Vehapi,edhe ne mandatin e parë edhe tash kemi shpallur plot her,gati nuk ka seancë të kuvendit komunal që nuk bëjmë diqka për me shpallë zona të mbrojtura me vendim të kuvendit. Tash këto informata ndoshta i kan ditur njerzt,por une skam padi tash pasiqë ajo padi është që nga viti 2014 dhe tash unë po i frigsohem, ne qoftëse na nuk kemi vendim të kuvendit komunal sdi qysh do ta mbrojmë pronën tonë pra neve na duhet argument faktë shtesë dhe asgjë me shume pasi janë prona të komunës.

Kryesuesi – Faleminderit kryetar i nderuar, të nderuar kolegë e qesim në votim rendin e ditës. Konstatoj se unanimisht aprovohet rendi i ditës. Kalojmë në pikën e parë të rendit të ditës:

1. **Aprovimi i Procesverbalit nga mbledhja e kaluar** – A ka dikush diçka rreth procesverbalit, atëherë nëse jo,e qesim në votim. Konstatoj se unanimisht aprovohet pika e parë e rendit të ditës. Kalojmë në pikën e dytë të rendit të ditës:
2. **Pyetje dhe përgjigjet në pyetjet e kuvendarëve** – këtu kemi propozimin e asamblastit Rexhep Oruqi për komisionin e stacionit të autobusëve të bëhet plotësim ndryshimi i vendimit.

Shqipe Kryeziu – Përsëendetje për të gjithë, pyetja ime ka të bëjë me drejtorin e arsimit, deshta me pyet drejtorin që a është e mundur apo a është ndonjë ligje i msheftë që ne nuk e dimë që një vend me dal në konkurs dhe një tjetër mos me dal në konkurs pasi që në shkollën profesionale „Selajdin Mullaabazi,-Mici,,dy mësimdhënëse kanë kaluar në pushim të lehonisë, drejtori një vende e ka qitë në faqe të komunës në konkurs

për Matematike kurse për lëndët e Juridikut një vend nuk e ka qitë në konkurse po mendoj në faqe të komunës ndoshta e ka shpallë konkursin por e ka mbajtur në dollap të vetin ku ta dimë na edhe komuna jonë i ka ja 100 juristë sa mundem me dit unë e merr prej komunës se Prizrenit pa konkurse, vjen mësimdhënësja dhe pyet ku është drejtoria komunale e arsimit saqë të bën me dyshua se as drejtorin komunale të arsimit nuk e din.

Faleminderit

Faton Ramadani – Faleminderit kryesues, përshëndetje për të gjithë ju të pranishëm .Unë kam një pyetje për organin përgjegjës deshta me bo rreth,para një viti me parë afërsisht i ke formuar dy komisione : komisionin për emërimin e rrugëve dhe shesheve dhe komisionin e ankesave. Deshta me u informua se ku ka ngecur puna, pse s'po hec ky proces përpara pasi që ka shumë ankesa neper lagje dhe fshatra. Faleminderit

Mirjeta Krasniqi – Përshëndetje për të gjithë kolegët keshilltarët,drejtoret,kryetarin dhe juve kryesues. Është një kërkesë nga sholla fillore „Katër Dëshmorët,, që kërkon rregullimin në kuadër të efijencës,ndrrimin e dritareve, dyerve dhe fasadimin e objektit. Dua të di me shumë nga drejtori sa është i informuar për kërkesën që e ka sjellë shkolla „Katër Dëshmorët,,Ratkoc në DKA,me pae sa ka mundësi me aplikua programin e efijencës në këtë shkollë dhe kur do të arrij të aplikoj në cilin vite.

Avni Morina – Përshëndetje për të gjithë, unë kisha dy pyetje, e para është pyetja nga Shqipe Kryeziu që në fakt është për herë të dytë pasi edhe ne seancën e kaluar ka qenë e njëjta pyetje dhe ka marr një përgjigje, konkursi ka qenë publik për lëndë juridike dhe ka qenë i shpallur. Është e vërtetë që për shkaqe teknike apo ku ta di unë në faqen e Komunës nuk është shpallë por ka qenë i shpallur në tabelën e shpalljeve dhe ka pasur edhe kandidatë që kanë aplikue,që ju nuk e dini për këtë nuk kam faje unë ndërsa tek pyetja e dytë për shkollën fillore „Katër Dëshmorët,, është e vërtetë që shkolla e ka dërguar një kërkesë që të përfshihet në programin e efijencës dhe ne atë kërkesë e kemi përcjellur dhe ne kemi edhe zyrtarin për efijencë të energjisë në kuadër të komunës. Këtë vite jemi duke bërë përpjekje në kuadër të Komunës që edhe shkollat tjera përveç atyre që i kemi në këtë program të efijencës. Faleminderit

Shqipe Kryeziu – Drejtor ju ne disa konkurse i qitni edhe rezultatet edhe lëndët mirëpo vetëm të lendet e Juridikut nuk i keni vendos edhe edhe atë ditë që thuani që i keni pranua ju keni nënshkrua marrëveshjen alejdi 2 dhe shkolla „Selajdin Mullaabazi- Mici,,a ka pas përfaqësues në komision dhe kush ka qenë komision. Për me dit pasi që çdo rezultat del në faqen zyrtare të Komunës mirëpo pikërisht për këtë vend nuk ka dal asnjë rezultat, në Matematike ka dalur një konkurs me gjithë kandidatet mirëpo vetëm për lendet e Juridikut nuk kanë dalë asnjë rezultat. Faleminderit

Kryetari – Është e vërtetë që Kuvendi i Komunës ka formua një komision për emërtimin e rrugëve,shesheve,rrugicave dhe njëkohësisht edhe një komision për ankesa. Vendimi i fundit komunal i rishikuar kuptohet me plotësime për emërtimin e rrugëve,shesheve,rrugicave ka qenë në vitin 2015,tash kemi edhe një listë rezervë të cilat kanë ardhë si ankesa të komunitetit qoftë përmes këshillave të fshatrave etj. Sipas ligjit në qoftë se ka ndryshime ose ka kërkesa të reja duhet me u plotësua ajo lista rezervë por përsëri kalon ajo në Kuvend të Komunës. Deri me tani ne i kemi bërë korrigjimet të cilat janë bërë disa gabime gjate kodimit të rrugëve që neve na kanë lejuar pra agjencioni kadastral edhe komisioni sepse është edhe komisioni evropian i përfshirë në këtë projekt, e din edhe Fehmia ku ka bërë ndonjë gabim p.sh. nuk është ndërprerë rruga ose ku nuk është shkruar mirë, na kanë lejuar me i bërë ri rregullimet në Gjeoportal, përndryshe neve na është thënë se ky problem është për të gjitha komunat, së aty ku është e emërtuar është problem pa kalua një periudhë se paku që mundesh me ndryshua. Ky komision që është formuar tani dhe i cili nuk ka fillua aktivitetin për fat të keq, zyrtarisht është i shpallur pra i formuar që edhe anëtarët e kuvendit janë të përfshirë, krejt çka mundet me bo në këtë fazë në baze të njohurive tona mundet aty ku ka rrugë të reja me hapë kode të reja, rrugica të reja etj. dhe natyrisht me i marr emrat prej listës rezervë të ankesave që është një listë e gjatë e ankesave edhe me sjellë atë dosje pra atë material me shqyrtua në kuvend për ta aprovuar. Emërtimet ekzistuese pra dëshira e

plotë neve është për me ndrrue, mirëpo unë as nuk po mundem me ndërrua dhe nuk po mundet bash hiq kurrkush, kush mendon ndryshe që munden mu ndërrua ato, mendoj që e ka gabim për shkak se dhe unë kam provua se ne disa vende ka gabime, jo ato lloj gabime që janë kundër ndokujt por janë kërkesa të qytetarëve që kanë kërkuar me i ndërrua por vendimi i kuvendit komunal është kodue, është regjistrua në agjencion kadastral, është futur në gjeoportale dhe tani është problem me u ndryshua kurse për rastet e reja unë qysh tani jam ka e ftojë Menaxherin sepse përgjegjëse për këtë është drejtorja e urbanizimit me thirr komisionin sa ma shpejt dhe zyrtarisht me fillua punën se edhe une kam shprehë pakënaqësi sepse është formuar qysh moti edhe nuk ka punua bash hiq kurrgjë hiq dhe nuk u mbledhë ky komision asnjëherë, tani më pastaj komisioni i ankesave mbi bazën e punës tyre e bën punën edhe komisioni i ankesave që edhe ai është i themeluar në Kuvendë.

Ali Zhuniqi – Përsëritet kryesues dhe për gjithë ju të pranishëm kolegë asamblistë. Unë deshta me adresua në lidhje me konkursin me pyetjen e muajit të kaluar që kemi bërë që drejtori brenda dy muajve ra në kundërshtim dy here me veten, herën e kaluar tha që e kom dorëzua konkursin mirëpo nuk është shfaqur në tabelë kurse tash del thotë se e kemi shfaqur në tabelë, unë kisha than drejtorit që të koordinohet ose se paku të shkruan për ti mbajtur në mendë kurse tjetra është se ke përgjegjësi publike për të na treguar ne rastin konkret për konkursin në fjalë se çka ka ndodhur, mos na detyro neve si grup i asamblesë me bo padi nëpërmjet prokurorisë me ngritë procedura penale ndaj teje. Jemi vend i vogël edhe jemi mundur me funksionue si kuvendë deri tash shume mirë, mos na detyroni tash me hije procedurave penale edhe ti pastaj me dhanë përgjegjësi para prokurorisë edhe gjyqit. Ju duhet të dilni dhe te tregoni nëse ka ndodhë, duhesh me mbajte përgjegjësi publike për arsye se mbani post publikë aty edhe me votën e qytetarëve edhe duhet me dhanë përgjegjësi aq sa jemi në këtu si përfaqësues pra duhet se bashku interesat e përgjithshme me i mbrojte këtu, e jo me u mundua me krijua amulli se kinse nuk jeni në dijeni, në seancën e kaluar thuani e kam dërguar dhe nuk është vendos në tabelë për shkaqe teknike kurse tani thuani e kam qitë në tabelë për shkaqe teknike, pra dilni edhe tregoni si është e vërteta e kësaj pune ose duhet me ngritë si grup procedura penale.

Avni Morina – Unë e thash edhe me herët se është shpallë në tabelën e shpalljeve që e keni para se me shkua te zyra e DKA-së e jo në faqen zyrtare të Komunës. Në faqen e komunës nuk është shpallur për arsye për çështje teknike për shkak se punëtorët që punojnë aty nuk e kanë shpallur që mund edhe të kenë harruar për ndryshe 15 ditë ka qenë e shpallur konkursi i shpallur në tabelën e shpalljeve që gjithashtu janë edhe rezultatet. Pyetja nga Shqipe Kryeziu për projektin e shkollës fillore „Katër deshmoret“, drejtori i shkollës e ka nënshkruar marrëveshjen.

Kryetari – Unë e kam dhënë fjalën këtu me respektua vendimin e Kuvendit të Komunës me i pagua komisionet ka 50 euro mirëpo pasi që nuk kanë ardhë mjetet pasi nuk kemi të drejtë me bo pagesa sot sepse nuk na lejon ligji. Jam shume i sigurt dhe pajtohem me u ndërrua vendimi se aty thotë me të hyrat e stacionit mirëpo nuk ka te hyra stacioni që edhe kanë edhe probleme serioze, sivjet kemi plan me hije me një projekt me Ministrinë e zhvillimit rajonal që po besojmë që kemi me boe diçka por pagesat po ju siguroj për komisione edhe për komisionin për emërtimin e rrugëve edhe për çdo komision që e ka themelua Kuvendi sa here të mbledhen kanë me u pagua mëditjet, tash a ka nevojë me u ndryshua vendimi, ligjërisht është në rregull dhe nuk guxojmë edhe me ndryshua sepse u konsultova edhe me zyrën ligjore, nuk guxojmë me ndryshua sepse në fakt ne dojmë me gjete modalitetin që komisionet të cilat i kanë themelua kuvendi me i pagua mëditjet edhe për krejt angazhimet edhe me u shpërblye për punën e tyre, realisht juve është dashtë me ju pagua stacioni jo vetëm 50 euro por edhe me shume por ata nuk mundem me i sigurua edhe rrogat e vet sepse kanë telashe. Unë e kam një raport edhe prej stacionit apo bordit të stacionit të autobusëve, Unë të premtoj Rexhep Oruqi që në momentin që ne kemi të drejtë me i dhanë mëditjet për komisione ju do të paguheni për punën që keni bërë pasi kemi drejtorin e Financave këtu edhe ky mund të na tregoj edhe kur munden me u lëshua paret sepse unë nuk i njoh këto problematika por ne jemi pajtue me mbledhjen e kaluar të Kuvendit që

Komisionet kanë me u pagua, i kemi disa obligime po ashtu edhe një seancë që e kemi mbajtur edhe atë e kam proceduar dhe e kam nënshkruar mirëpo tash kur do të bëhen pagesat këtë punë unë s'mundem me ditë sepse është kompetentë drejtori i Financave.

Rexhep Oruçi – Ndoshta një keqkuptim nga unë dhe kryetari, unë nuk po kërkoj që këto mjete me mi dhanë sot apo nesër apo pas një jave por le të futet në rend që ky vendim kështu si është nuk është në rregull, nuk mundet Komuna me pagua mëditjet ku këtu është decidivisht e qartë stacionit të autobusëve me i pagua. Zyra ligjore e ka bo këtë vendim me siguri por shoqëri aksionare nuk është Radoniqi ky që punon me vite, nuk është Ekoregjioni që punon me vite por këtë si komision duhet me themeluar ndërmarrjen publike në emër të komunës por këto nuk kemi pse të kërkojmë nga stacioni, kur regjistrohet kompania atëherë komisioni i merr mjetet andej pasi tash është e përgjistrune dhe për këtë ju lutem mundësisht kur të krijohen mjetet që me ditë a do i drejtohem komunës për pagesë apo kujt sepse në stacion në nuk mund të marrim asgjë sepse janë në gjendje të vështirë financiare atëherë çka me punua sepse në gjysmën e punës e kemi të pakryer.

Isak Hoti – Përsëritet kryesues, kryetar, drejtor, delegatë të nderuar dhe gjithë ju të pranishëm. Baca Rexhep vendimi si vendim është krejt në rregull sepse ligji për ndërmarrjet publike e përcakton ashtu si është por ne mos të harrojmë se ne 100% jemi aksionar të atij vendi, edhe ne e kemi të drejtën me qatë vendim qysh është i njëjti me bo pagesën prej Komunës sepse jemi aksionar 100% në atë ndërmarrje publike dhe na vendosim për atë ndërmarrje kështu që mjetet munden me u marr edhe prej kodit të komunës pa problem sepse kur ska andej mundet edhe këna sepse jemi 100% aksionar. Faleminderit

Kryesuesi – Faleminderit shume, atëherë të nderuar kuvendarë pasi nuk kemi tjerë të lajmëruar për pikën e dytë të rendit të ditës. Kalojmë në pikën e tretë të rendit të ditës:

3. Shqyrtimi dhe aprovimi i Propozim vendimit për miratim të Buxhetit për vitin 2020 –

Afrim Limani – I nderuar kryesues, kryetar, nënkryetar, ju asambleistë, përfaqësuesit e KFOR-it, të OSBE-së dhe gjithë ju të pranishëm. Fillimisht dua të ju përkujtoj se Buxheti i Komunës së Rahovecit për vitin 2020 është 14,735,819 euro, granditë përgjithshme është 5 843 393 euro, Këshilli i Hoçës së Madhe 24 904 euro, granditë specifike të arsimit 5 320 978 euro ndërsa granditë specifike të shëndetësisë është 1 889 703 euro, pra në totalë granditë është 13 578 978 euro se bashku me të hyrat vetanake të cilat janë prej 1 156 841 euro atëherë kemi një buxhet në totalë prej 14 735 819 euro. Ky buxhet është i shpërndarë në kategori ekonomike dhe me këtë shumë: në paga dhe mëditje 8 644 000, në mallra dhe shërbime 1 594 330, shërbime komunale 280 500, subvencione dhe transfere 311 000, ndërsa investime kapitale 3 905 770 euro. Dallimi i buxhetit të vitit 2020 në raport me vitin 2019 është ky: në grandin e përgjithshme dallimi është 612 097 euro, në Këshillin e Hoçës së Madhe 1410 euro, në grandin specifike të arsimit 440 499 euro, në grandin specifike të shëndetësisë 101 463, pra me një ndryshim prej 1 155 469 euro. Mirëpo në buxhetin në total në krahasim me vitin 2019 është 974 928 euro kur i qesim edhe të hyrat vetanake të cilat kanë një zvogëlim prej 11 926 duke e ditur që për vitin 2020 nuk e kemi huamarrjen në arsim dhe shëndetësi të cile ne kemi pasur në arsim 33 000 ndërsa në shëndetësi 134 899 euro, pra ndryshimi nga viti i kaluar i buxhetit të komunës së Rahovecit është 974 928 euro. Për dallim nga seanca e shtatorit, në kuadër të listës së investimeve kapitale dhe total të KAB-it të buxhetit ka disa ndryshime: e kemi bërë një planifikim dhe harmonizim të saktë të të hyrave vetanake në raport me periudhën e kaluar sepse edhe hapësira edhe koha na ka mundësuar ta bëjmë këtë veprim duke ditur se buxheti është mbyllur me 31 Dhjetor atëherë kemi bërë një analizë të saktë dhe besoj që e kemi një planifikim shumë të saktë të të hyrave vetanake pastaj kemi bërë edhe përshtatjen pra harmonizimin në kuadër të drejtorive përkatëse sepse e dini edhe ju ka pasur kode të cilat kanë qenë edhe në kuadër të një drejtorie tjetër do të thotë këtë problem e kemi zgjidhur që konsiderojë në mënyrën më të mirë e mundshme pastaj ndryshim tjetër në kuadër të listës për investime kapitale nuk ka më keqklasifikim, të gjitha projektet kapitale të cilat kanë qenë në kuadër të listës së projekteve kapitale që i kanë takuar mallra dhe shërbime tash më nuk do të ketë edhe pse do kemi problem gjatë vitit 2019 për shkak se prishen balancat buxhetore dhe në fund të

vitit do të barten një sasi e madhe e borgjeve mirëpo atë veprim e kemi bërë edhe nuk kemi më keq klasifikime edhe për këtë ju siguroj edhe ju garantoj sepse ne Janar të këtij viti ka dalur një udhëzim i ri administrativ që rregullorja 04/2019 që përcakton qartë klasifikimin e shpenzimeve kapitale dhe disa projekteve tjera do të thotë ne jemi bazuar kryesisht në atë rregullore edhe ju siguroj që nuk ka keq klasifikime. Të nderuar asamblistë ju garantoj se ky buxhete është i planifikuar ne harmoni të plotë me qarkoren e parë dhe të dytë buxhetore duke u bazuar në ligjin e Financave Publike dhe përgjegjësi andaj unë kërkoj nga ju që ta votoni këtë buxhete sepse kemi arsye e para, se pse ky buxhete ka një ndryshim prej 1 milion eurove dhe e dyta është buxhete i qytetareve të komunës tonë. Faliminderit, ju mund ta shikoni listën e projekteve kapitale dhe pres ndonjë pyetje.

Rasim Fazliu – Përshëndetje kryesues për juve, për kryetarin, drejtorët, anëtarët e kuvendit komunal, përfaqësuesit e OSBE-së, të KFOR-it, përfaqësuesit e mediave dhe gjithë ju të pranishmit ne sallë. E falënderoj drejtorin që na ka sjellë buxhetin për vitin 2020 për herë të dytë. Me 26 shtator 2019 ne mënyrë të detajuar e kemi analizuar edhe kemi diskutuar për buxhetin për vitin 2020 dhe kemi dalë me qëndrime konkrete mirëpo ndodhi ajo që ndodhi siç e dini edhe ju edhe qytetarët janë shumë mirë të informuar që në çastin që kryesuesi deshi me vënë në votim, kryetari doli në skenë edhe tërhoqi pikën e rendit të ditës, edhe neve nuk na u dha mundësia me votua buxhetin atëherë edhe ishte keq sepse edhe neper media pra portale dolën fjalë jo të këndshme ngase kuvendarëve ju hedhe faji se kuvendarët nuk kanë deshtë me votua buxhetin por nuk ishte ajo e vërteta sepse kuvendarët kanë qenë të gatshëm me votua buxhetin me ndryshimet që kemi dhënë mirëpo nuk na është dhënë mundësia për shkak se thash edhe me herët kryetari për arsye të veta që e din ai, e tërhoqi pikën prej rendit të ditës. Tash jemi në atë pikë, në grupi i PDK-së e kemi analizuar në mënyrë të detajuar prapë edhe i kemi parë disa ndryshime që janë të vogla pra kozmetike siç e tha edhe Sali Sallteku në fillim të mbledhjes, ndryshimet janë shumë të vogla pra janë disa projekte të caktuara me shumën 10.000 apo 20.000 euro të cilat prapë janë gjuajtur diku tjetër mirëpo ndryshime në esencë nuk ka në buxhet. Por tani ne duhet ti analizojmë gjërat mirë, të merremi vesh për këtë, është interesant që edhe qeveria komunale përkatësisht Drejtoria e Financave ju ka drejtuar me shkresë Ministrisë së Financave që po ashtu e kanë kthyer një përgjigje që e kemi pasur edhe ne shëfat e grupeve atë përgjigje, unë dua të ju them, që absolutisht nuk jam i kënaqur me përgjigjen që kanë dhënë Ministria e Financave sepse i kanë ikur përgjigjes së drejtpërdrejtë dhe vetëm na kanë dërguar interpretimin e ligjit, ne ligjin mund ta shohim edhe vet përmes telefonave të mençur që i kemi dhe nuk kemi pasur nevojë për shkresën hiq, pra Ministria e Financave dhe Ministria e Pushtetit Lokal u dashtë me qenë të prerë në përgjigjen kur e kanë dhënë, kur ja ka dërguar drejtori i Financave i Komunës tonë, pra u dashtë me qenë të saktë që ky kod të përcaktohet në mënyrë të detajuar se është në projekte kapitale apo është në subvencione apo është në mallra dhe shërbime, e jo me thanë që po ju dërgojmë nenet dhe ju tash shikoni si janë d.m.th. ka përgjegjësi edhe Ministria e Financave edhe Ministria e Administrimit të Pushtetit Lokal sepse nuk na kanë dhënë përgjigjen që duhet dhe si duhet të drejtpërdrejtë dhe qysh kemi kërkuar ne, por kanë shkuar në mënyrë tërthorazi na kanë përcjellë ligjin siç e thashë. Por tani jemi këtu ku jemi, pra jemi para buxhetit për vitin 2020 e kemi tani shansin e fundit dhe duhet të mendojmë edhe të reflektojmë ndoshta ashtu siç i ka hije edhe qysh është interesi i qytetareve të Komunës së Rahovecit. Para se me thënë diçka tjetër, desha të ndalem pak në përmbajtje të materialit që drejtori e ceku tha ka lëvizje, së pari po dua të ndalem te KAB-i, drejtor i nderuar konsideroj që të hyrat vetanake duke u bazuar në të hyrat apo të ardhurat që ka komuna jonë edhe që pritet dita ditës me u rritë qoftë taksa mbi tokat e plot të tjera ose participime nga bujqësia, unë mendoj që janë planifikuar pak dhe për atë pastaj po dalin tepër d.m.th. për mua që po jap një mendim në emër të grupit që të hyrat vetanake u dashtë me u paraparë pak më tepër e jo sa janë paraparë tani mbi 1 milion euro sepse prapë me siguri ne kemi me vjelë të ardhura më të mira e që është mirë për qytetarët tanë por pse mos me bo edhe planifikimin e mirë sepse në vitin 2019 ne në bazë të analizave që i

keni bërë me grupin e kemi parë që të hyrat kanë qenë më të mëdha se sa planifikimi që u bo tani për vitin 2020 pra kjo është logjika tani që unë po flas në parim pra kjo është një mendim i imi pastaj kalojmë tutje p.sh. është interesant sikurse thatë që me 26 shtator 2019 sikur të kishte kaluar buxheti, a do të kishte pasojë me këto propozime që i keni dhënë ju atëherë në krahasime tani që keni bërë ndryshime për të njëjtin buxhet p.sh. te urbanizmi kanë qenë të parapara 22.450 euro ndërsa tani i keni qitë 36.450 euro ose te kadastra dhe gjeodezi kanë qenë 17.500 euro kurse tani 71.250 euro, por po i përmendi këto ndryshime dhe sikurse ne ta kishim miratuar këtë buxhet në shtator a do të kishim gabuar diçka apo jo, për shkak të këtyre ndryshimeve që na keni sjellë tani por si do qoftë ju këto gjëra i keni analizuar më mirë dhe sigurisht i dini më mirë por unë i përmenda disa vërejtje të cilat neve na kanë rënë në sy si grup. Tani po ndalem pak te projektet kapitale këtu që janë, i nderuar drejtor, Kryetar pra ne grupi i PDK-së qëndrojmë pranë konstatimit që në buxhetin për vitin 2020 ka keq klasifikime dhe tani do shkojë me radhë në projektet të cilat janë këtu te cilat i kemi shenjëzuar p.sh. kodin 47865 **Stalla dhe ferma të vogla për fermerë** në vlerë 60.000 euro, nuk është kapitale kjo sipas grupit të PDK-së por është subvencion pastaj kemi 40827 **Participimi në projekte me bashkëfinancim në bujqësi**, edhe ky prej 40.000 euro edhe ky është subvencion pastaj kodin 47832 **Përkrahja e fermerëve në komunën e Rahovecit me mekanizëm bujqësor** 200.000 euro edhe ky është subvencion, pastaj kemi kodin 46674 **Ndërtimi i serave me participim** vlera 160.000 euro edhe ky është subvencion, pastaj kemi kodin 40838 **Mbikëqyrja e punimeve në vazhdim**, ky është shërbim, pastaj kodin 40839 **Hartimi i projekteve të ndryshme** edhe ky është shërbim, kodin 48025 **Hartimi i planit lokal të veprimit në mjedis** edhe ky është shërbim, pra gjithsesi qëndrojmë pranë asaj që kemi të bëjmë me keq klasifikime. Siç e thash edhe më herët që jemi në situatën e tillë para buxhetit edhe mendoj që duhet të reflektojmë disi pra të bëjmë diçka, mendimi i grupit të PDK-së është që, Kryetari pas mbledhjes së shtatorit i ka përhapur disa fjalë neper rrjetet sociale edhe na ka fajësuar neve edhe për mendimin e grupit tonë ka gabuar kryetari ashtu që ka vepruar sepse ne nuk kemi qenë fajtor për shkak që nuk na u dha mundësia me votua buxhetin sepse kryetari pas asaj mbledhje ka mundur me thirr një mbledhje tjetër, me na qit buxhetin prapë edhe prapë se ka thirr, pastaj siç e thashë Ministria e Administrimit të Pushtetit Lokal nuk ka reaguar hiq edhe e din që Komuna e Rahovecit nuk e ka miratuar buxhetin. Unë pres reflektim edhe prej Auditorit të Përgjithshëm kur të vjen këtu me auditua komunën tonë me na sqaruar edhe me na dhënë mendimin për këto gjëra edhe mos me pas ne të ardhmen probleme rreth kësaj edhe me mbete komuna jonë pa buxhet pra miratim të buxhetit. Duke u bazuar në të gjitha këto, grupi i PDK-së i ka analizuar të gjitha këto gjëra me shumë vëmendje duke pasur parasysh interesin e qytetarëve të komunës së Rahovecit dhe duke pasur parasysh interesin e fermerëve, bujqve në përgjithësi pastaj edhe të afaristëve që operojnë në komunën tonë, ne mendojmë që buxheti duhet me kaluar edhe ne do të jemi pro buxhetit për vitin 2020 për me kaluar këtë buxhet mirëpo me të gjitha këto vërejtje që i dhamë edhe këto klasifikime që i bëmë që në të ardhmen të mos përsëriten. Ju faleminderit.

Fehmi Hoxha – Faleminderit kryesues, shefi jonë i tha të gjitha por ka edhe shumëçka me thanë mirëpo në aspektin profesional po kthehem tek të hyrat vetanake të drejtorisë për urbanizëm, unë mendoj se këtu nuk është e planifikuar ashtu si duhet duke ditur se disa pozicione nuk mund të arrihen disa të tjera që duhet të shtohen kështu që po dal me propozimin konkret edhe sugjeroj drejtorin e Financave që ti miratoj se jam shume i sigurte se drejtori për Urbanizëm nuk e ka planifikuar kështu sepse e di ma mirë se qysh bohet kjo. Faqe nr.10 tek të hyrat vetanake, Drejtoria e Urbanizmit taksa komunale për leje ndërtimore 17 700 euro për vitin 2020 që është ne rregull, mundet me ndodh që me tejkalua pak por jo shumë, taksat tjera administrative 4200 euro, nuk e di se për çfarë taksa tjera administrative e ka fjalën që unë mendoj se nuk ka në drejtorin e urbanizmit taksa administrative, mund të ndodh që 1 apo 2 euro diçka, prandaj drejtori i Financave ju lutem nëse ka mundësi me shënuar këtë propozimin 4200 është e parapamë këtu, te hiqen 3200 euro dhe me lanë vetëm 1000 euro që me as 1000 euro nuk mundemi me realizua mirëpo le të jetë si kodë me 1000 euro taksa

tjera administrative te largohen si dhe taksa për legalizimin e objekteve që këtu është 8000 euro, pra vetëm ka fundi i vitit kaluar rreth 6000 euro Komuna ka inkasuar kështu që nuk është planifikim i mirë këtu si dhe leje mjedisore komunale që është e pamundur 6000 euro me u inkasue, rreth 3000 euro është maksimumi prandaj tek leja mjedisore komunale të largohet 3000 euro, tek taksat tjera administrative te largohen 3200 euro dhe këto 6200 euro të shtohen tel legalizimi ku 8000 euro të bëhet 14200 euro, kjo nuk prish punë fare mirëpo po ju garantoj që është në rregull ky propozimi jem që mundet me u miratua edhe me u aprovua pra të realizohet ky planifikim i të hyrave, nëse ka mundësi direkt ta bëni përmirësimin për ndryshim unë kërkoj që ky të hyje në votim. Faleminderit

Fehmi Cena – Faleminderit kryesues, është e vërtetë që ne buxhetin për vitin 2020 e kemi shqyrtuar me 26 shtator të vitit 2019 dhe si shef i grupit i kemi pasur ato vërejtjet tona si grup i LDK-së në lidhje me përgatitjen e buxhetit. Vërejtjet tona ne i kemi klasifikuar në tri grupe: në planifikimin e të hyrave vetanake që pak a shumë u cekën edhe nga parafolësit te disa drejtori p.sh. te urbanizmi, të shërbimet publike që ka qenë një diskrepancë pra dallim i madhe i planifikimit nga viti 2019 ne 2020, planifikimi ka qenë më i vogël, e dimë se diçka është punuar në ndërkohë nga drejtoritë përkatëse, vërejtja e dytë ka qenë te investimet kapitale ku në shumicën e kodeve janë prezantuar shpenzimet por pa u specifikuar projektet kjo ka qenë vërejtja jonë, kanë qenë një numër i madhe i kodeve në ndërkohë është punuar, disa kode janë përmirësuar, ne i kemi pasur me e-mail adresë, ne i kemi dërguar disa materiale prej disa drejtorive, kjo është e vërteta dhe ata i kanë paraparë një pjesë të projekteve nëpër këto kode mirëpo megjithatë kanë mbetur disa kode përsëri të prezantuara në mënyrë të përgjithësuar. Ne kemi kërkuar për secilin kod me pas specifikim të projekteve, me ditë se cili projekt është në atë kod, ku do të jetë ai projekt në mënyrë që ne të mundemi me përcjellë nëse nuk e di se për cilin projekt është fjala dhe në bazë të një vlerësimi që kemi bërë ne, te jo specifikimi i projekteve është një shumë prej 393.000 euro d.m.th. të paspecifikuara që ne nuk e dimë se për cilat projekte do të bëhen shpenzime, në mënyrë të përgjithësuar po p.sh. rrugët në qytetin Rahovecit ose ne komunën e Rahovecit por cilat rrugë ose rrjet kanalizimi ose trotuare pra këto nuk janë të specifikuara për shumën 393,000 euro. Tjetër vërejtje ka qenë te keq klasifikimi i kategorive buxhetore neper kode, në kuadër të investimeve kapitale neper kode ka pasur pjesë që ne i kemi konsideruar se ato janë mallra dhe shërbime dhe subvencione. Në shtator gjithsej kanë qenë 11 kode të tilla, drejtoritë në ndërkohë kanë punuar, po e shohim në ndërkohë materialin e ri që kemi marr për këtë mbledhje janë bërë disa ndryshime gjithsej pra 4 kode janë larguar dhe kanë mbetur edhe 7 kode që ne konsiderojmë se është keq klasifikim i kategorive buxhetore dhe unë po i lexoj këto kode me rend, është kodi 47865 **Stalla dhe ferma të vogla për fermerë** shuma 60,000 euro që ne mendojmë janë subvencione, kodi 40827 **Participimi në projektin me bashkëfinancim në bujqësi** 80,000 euro gjithashtu subvencione, kodi 47832 **Përkrahja e fermerëve në komunën e Rahovecit me mekanizëm bujqësor** 200,000 euro që ne mendojmë janë subvencione, kodi 46674 **Ndërtimi i serave me participim** 200,000 euro që gjithashtu mendojmë se janë subvencione, kodi i ri ndërhyrje ndaj situatave kritike në bujqësi –nuk ka sqarim se cilat janë ato situata kritike pra 30,000 euro edhe ky mendojmë që është subvencione, kodi 40839 **Hartimi i projekteve të ndryshme** 30,000 euro që ne mendojmë se janë mallra dhe shërbime dhe kodi 48025 **Hartimi i planit lokal të veprimit në mjedis** 5,000 euro është në mallra dhe nuk është kapitale kurse ju e keni përfshirë në kuadër të investimeve kapitale. Në bazë të shumës së mjeteve në të holla kur në shtator e kemi vlerësuar, ka qenë një shumë prej 715,000 eurove që ka qenë keq klasifikim, tash me këto përmirësime që janë shumë të vogla në shumën e të hollave janë shumë të vogla, prapë kapin shumicën e të hollave që ne konsiderojmë që janë keq klasifikim prej 605.000 euro. Kryetar, ne jemi të vetëdijshëm se buxheti është diçka shumë me rëndësi pra është jetike për qytetaret tanë, për veprimtari të ndryshme të qeverisë lokale mirëpo ne i kemi kërkuar dhe kërkojmë që buxheti të përgatitet pa këto gabime, pa këto lëshime të cilat vijnë ndesh me rregullat në fuqi dhe ligjet siç është ligji mbi menaxhimin e financave publike, pastaj ligji i prokurimit publik

dhe këto vërejtje i keni pasur gjithashtu edhe në raportin Zyrës së Auditorit të Përgjithshëm për vitin 2018 dhe të njëjtat pak a shumë kanë qenë të shfaqura atëherë dhe ne i kemi diskutua këtu për keq klasifikime mirëpo ju përsëri po doni me i bë gabimet e njëjta që për ne nuk janë të kalueshme. Ne si grup sigurisht jemi pro kalimit të buxhetit, te kjo e para planifikimi i të hyrave vetanake mendoj se nuk kemi vërejtje shumë të mëdha sepse janë bërë disa ndryshime te pjesa e planifikimit të të hyrave ajo është me mundësi mirëpo te specifikimi i projekteve duhet bërë ndryshime gjithashtu edhe te pjesa që ne e konsiderojmë që kemi keq klasifikime. Ne jemi të gatshëm që për hir të interesit të qytetareve që të kaloj buxheti, te ulemi të bisedojmë me te gjitha grupet e asamblistëve në mënyrë që me këto të hollat ta bëjmë ridestinimin nga kapitalet duhet të kalojnë d.m.th. këto që ne konsiderojmë që janë subvencione dhe mallra të kalojnë në investime kapitale, kemi ku të investojmë. Faleminderit!

Ali Morina – Faleminderit i nderuari kryesues, kryetar, nënkryetar, drejtor të drejtorive dhe ju të nderuar kolegë asamblistë. Ne e kemi shqyrtua me kujdes projektbuxhetin e propozuar dhe të ofruar nga drejtorja e financave madje për herë të dytë me disa ndryshime dhe konsiderojmë se është një buxhete i mirë që i përfshin disa projekte të rëndësishme që janë vazhdim por edhe projekte të reja që janë paraqit dhe janë përfshije në këtë projektbuxhete. Ndoshta nuk është buxheti më i mirë i mundshëm por megjithatë është buxhete i mirë, në interes të qytetareve, me projekte të rëndësishme për qytetaret e komunës së Rahovecit. Sa i përket të hyrave vetanake, konsideroj se është bërë një punë e mirë, parafolësit e shprehen se kemi keq planifikim mirëpo unë konsideroj se nuk është keq planifikim, është mirë që është rritur madje me mujtë me rritë edhe me tepër mirëpo më përpara kur e kemi pasur të planifikuar tavanin buxhetorë 1 600 000 asnjëherë nuk kemi mundur me arrite edhe kemi thënë se kemi planifikuar shumë e nuk po mundemi me arrite pra prape ka qenë keq planifikim. Unë konsideroj se është planifikim i mirë madje me mujtë me tejkalua edhe me tepër do të ishte edhe më mirë. Konsideroj se ne emër të grupit të AAK-së jemi pro këtij buxheti dhe urojmë që ky buxhete të rritet edhe më shumë dhe të zhvillohen projektet e rëndësishme për qytetaret e komunës së Rahovecit. Faleminderit

Masar Popaj – Përshëndetje për të gjithë, unë deshta të ndalem te buxheti total për vitin 2020 i paraparë është 14 735 820 euro që krahasuar me vitin 2019 ka qenë 13 658 891 euro ku diferenca sipas llogaritjes time është dikun 1 086 929 euro. Tek paga dhe mëditjet ne 2019 ka qenë 7 435 569 kurse për vitin 2020 është 8 644 220 e që i bie 1 208 551 euro më shumë. Arsyeja se pse është tek pagat dhe mëditjet 8 644 220 a ka punëtorë që keni marr me kontratë mbi vepër që është rritur vlere më e madhe për paga dhe mëditje ku mallra dhe shërbime janë 1 514 331 ne vitin 2019 kurse për vitin 2020 janë 1 594 330 që i bie diferenca 79 999 euro. Shpenzimet komunale në vitin 2019 kanë qenë 255 500 kurse për vitin 2020 janë 280 500 euro, pra diferenca është 25 000 euro më shumë, Subvencionet dhe transferet kanë qenë 250 000 kurse për vitin 2020 janë 311 000 euro, që i bie 61 000 euro më shumë, Investimet kapitale në vitin 2019 kanë qenë 4 203 391 kurse për vitin 2020 janë 3 905 770 euro pra buxheti është më i madhe ndërsa investimet kapitale janë më të vogla, cila është ajo arsye, a ka me qenë buxheti më i vogël ne 2019 kurse investimet kapitale kanë qenë 4 203 391 kurse për vitin 2020 investimet kapitale janë 3 905 770 euro që i bie me pak 97 621 euro. Faleminderit, veç deshta një sqarim për këto.

Faton Ramadani – Faleminderit kryesues, deshta të lidhëm edhe unë tek projektbuxheti, vetëm tek zyra e kryetarit të Kuvendit sepse të tjerat veç janë diskutuar, për vitin 2019 të planifikuara edhe të shpenzuara kanë qenë 103 460 euro kurse për vitin 2020 i keni planifikuar 211 000 euro, pse kjo diferencë e madhe pothuajse 100%, po mendoj se mos po punësoni si shumë tek pagat është fjala.

Kryesuesi – Po i nderuar, rritja është bërë për shkak të ligjit të pagave, i cili bën rritje 100%.

Dervish Çadraku – Shumë gjëra i thanë parafolësit dhe që pajtohem me vërejtjet e tyre, është e vërtetë që buxheti herën e kaluar që u ardhë këtu, ka dalë i pa miratuar dhe në një farë mënyre të dhunshme u tërheq nga

rendi i ditës pa të drejtë por të gjithë ne duhet ta kuptojmë e aq më tepër ju që ky buxhet që vjen këtu është buxhete i propozuar nga administrata apo nga kryetari i komunës bashke me bashkëpunëtorët e tij, që nuk do të thotë me qenë strikt, këtu vjen për tu miratuar, për tu propozuar, për tu eliminuar dhe në fund për ta finalizuar në bashkëpunim me ne si përfaqësues të popullit që jemi ne këtu sepse ne po aq mirë e dimë nevojat e popullit për çdo gjë në komunën tonë, prandaj duhet të kihet parasysh këto propozimet tona apo vërejtjet tona që kanë qenë edhe janë sot edhe nga parafolësit edhe nga ne si grup parlamentar i Lëvizjes Vetëvendosje. Në radhë të parë, unë dua të them se vërejtjet që i dhanë për kodet e diskutueshme që ishin që nuk janë subvencione, unë mendoj që nuk e kemi një përgjigje shume të saktë siç tha edhe parafolësi z. Fazliu por unë mendoj se kjo është në ndërgjegjen tuaj edhe në përgjegjësinë tuaj si Kryetar i Komunës keni të drejtë apo nuk keni të drejtë sepse tash këtu çështjet po dalin të diskutueshme sepse edhe përgjigja ishte dualiste apo sipërfaqësore dhe jo e saktë pra striktë kështu që ne e lëmë në përgjegjësinë tuaj. Kur është fjala për projektet kapitale, unë edhe atë ditë edhe sot edhe të tjerët e diskutuan që mirë është të përfillen kërkesat, kemi plot projekte të cilat nuk janë të emëruara në mënyrë të përgjithësuar, pjesërisht ju keni përgjigje kërkesave tona por jo tërësisht, nuk e di materialisht edhe teknikisht me i krye këto por megjithatë sipas kërkesave të kuvendareve duhet megjithatë të përfillen këto edhe mendoj që duhet me ndodhë në të ardhmen. Kur është puna te projektet kapitale, unë kam disa vërejtje këtu që projektet kapitale duhet të bëhen në mënyrë të balancuar, ne kemi pasur edhe disa dalje në teren kur kemi biseduar me qytetarët dhe nevojat e tyre kemi vërejt që janë të shumë llojshme edhe dimë që buxheti i Komunës është i pamjaftueshëm për ti kryer nevojat e qytetareve por atëherë duhet t'i klasifikojmë se cilat janë me emergjente, cilat janë më të kalueshme në pikëpamje buxhetore dhe ti klasifikojmë në këtë drejtim dhe jo p.sh. të investojmë në një projekt i cili ndoshta është shumë me afatgjatë dhe nuk është aty për aty i nevojshëm për qytetarin dhe ne kemi dhënë disa mjete bukur të mëdha që tash nuk e di a ka nevojë për ti theksuar këtu por kemi një lloje disbalansimi të investimeve p.sh. unë shkoj në Qendrën Kryesore të Mjekësisë Familjare në Rahovec dhe nuk mundem të bëj asnjë analizë dhe jo njëherë por po e theksoj disa herë këtë, nuk kemi as reagenca dhe po dojmë me ndërtuar një ndërtesë të emergjencës që është shume e mirë, ë nevojshme dhe duhet të bëhet, po ju do të thuani se furnizimi do të bëhet nga qendra, qytetari se pari vjen te ju pra te Kryetari te menaxhuesi i Komunës dhe kërkojnë t'i kryhet ky shërbim prandaj duhet ta keni një përgjigje pse nuk ka barna elementare pra reagenca për qytetarin i cili ka nevojë që shpesh herë edhe skajshmerisht për shkak të gjendjes ekonomike shume të rëndë dhe nuk kanë mundësi as barnat ti paguajnë. Prandaj unë po mendoj që është përgjegjësi e juaja se pse nuk ka funksionuar kjo punë. Nëpër shkollë, ne po ndërtojmë shkollë dhe kemi një trend të kundërt të ndërtimeve të cilat shkojnë vetëm në llogari të operatoreve që ndërtojnë sepse nëse ne këqyrim përqindjen e lindshmërisë atëherë ne po dalim që jemi ne deficit për ditë e me shumë duke ikur prandaj edhe shkollat do ta kenë fatin e Dardanës, në vend se në shkollat tona të mbushen me mjete konkretizuese sepse fëmijët nuk po donë me ndëgjue jo prindin por as mësuesin prandaj me mjete konkretizuese që të ja bëjmë me interesant fëmijës, ti mbushim laboratorët dhe kabinetet që në mënyrë konkretizuese atyre të ju mundësojmë absorbimin e dijeve pra këtu kemi një deficit, nuk po them se ju nuk keni ndarë mjete të mjaftueshme për mjete konkretizuese për laboratorë dhe kabinete, i kemi diku tash s'po dua me ti numërua sepse me siguri flasin edhe të tjerët prapë, i kemi disa kompjuterë që i bijnë nga jashtë që janë të përdorur që mund të shfrytëzohen se si hapen dritaret e kompjuterit por konkretisht është mirë që të mendoni kryetar sepse shkollat i kemi të zbrazëta edhe nuk kemi aktivitete pastaj dhe nuk kemi motiv për të vazhduar për këtë punë. E kemi shtëpinë e pleqve të cilën e keni vendos atje naltë që nuk e di kush e ka dërgue atje, a e keni dërgua ju apo qeveria para juve por tani flas kështu pleqtë edhe ashtu kanë mbetur pa fëmijë pa njerëzit e tyre dhe ne i kemi dërgu në mal atje edhe në ndeja ditore si do të shkojnë ata atje edhe i keni ndarë 10,000 euro, çka mundeni me bo me atë shumë të hollave për me funksionalizue ndejën ditore të atyre. Përveç kësaj këtu ishte një treg ditor, nuk e di ku është ai treg ditor që keni ndarë 10 000 euro sepse ka dy definicione,

aty ku e keni shkruar me hije në interesin e përgjithshëm e keni shkruar treg javor kurse këtu e keni shkruar tregë ditor d.m.th. po dua me ditë a është i njëjti pra sipas juve tregu ditor dhe javor qenka i njëjti. Unë mendoj që keni ndarë mjete pak edhe për qendrën rinore 10,000 euro sepse të rinjtë sigurisht që kanë nevojë, ne kemi një qendër aty mirëpo nuk e di sa është funksionale apo është e re kjo dhe nuk e di çka mundet me u bo me 10,000 euro, kemi ndërtuar çerdhet me shume metra katror edhe nuk kemi kon me futë brenda konkretisht nuk kemi mjete brenda për ti funksionalizuar ato, këtu kemi një dobësi shumë të madhe për të cilën ne duhet të bisedojmë. Këtu e kam të paqartë edhe një kodë, për të cilin jam i interesuar që kam thënë edhe atëherë që komuna jonë nuk ka gropa septike ose impiante, e di që impiantet kërkojnë shpenzime të mëdha, kërkojnë por këtu e kemi ne 150,000 euro pra me këtë shumë ne mundemi me ndërtua një gropë septike për Rahovecin që ka mbi 15,000 banorë. Pra me këtë shumë të hollave ne mundemi me ndërtuar edhe gropën septike në Ratkoc edhe në Krushe pra këtu keni shkruar ndërtimi dhe rregullimi i kanalizimeve fekale (gropa septike) pra cila është këtu sepse mundeni me qitë ashtu apo kështu edhe unë kam kërkuar po ashtu për oborrin e shkollës që unë kam propozua herën e kaluar, a do të bëhet ai oborr edhe trotuari që do të bëhet Gradish deri te Kanioni që kam kërkuar prapë, po me intereson a do të lidhet kjo rrugë e trotuarit me pjesën Gradishit që dërgon atje sikurse e ka bërë Gjakova. Ne jemi pjesërisht për me kalua ky buxhet, nëse kemi këto vërejtje edhe i kemi parasysh këto vërejtje edhe i futemi aty d.m.th. jo vetëm ti kemi në letër por ne duam garanci nëse ndërtohet gropat septike, nëse rregullohet oborri i shkollës, nëse rregullohen ndriçimet pra ne do ta votojm për ndryshe nuk mundemi me votuar. Faleminderit.

Kryetari – Sot edhe asnjë ditë nuk e kam ndërmend me u marrë me fjalë sepse edhe nuk me takon pasi jam edhe Kryetar i Komunës edhe besoj që jemi dakord që buxheti nga shtatori deri me tani ka disa ndryshime dhe sqarime shtesë pavarësisht se si cilësohen, është e drejtë që të gjykohet apo të vlerësohet edhe unë e admiroj kontributin e secilit prej Rasimit që në mënyrë të detajuar dhe të qartë ka folur konkretisht, unë besoj që ne të gjithë jemi dakord me disa që mund të mos jen dilema për mua por për të tjerët mund të jenë ato që na ka sjellë Ministria e Financave kur ne i kemi bërë pyetje se si klasifikohen pra si cilësohen qeto kode. Unë po ju jap vetëm një shembull kur u përmendën serat ose bashkëfinancimi, neve auditori gjeneral apo kombëtar na ka thënë të vetmen vërejtje që janë investime kapitale mirëpo nuk duhet me llogari private me i dhanë përfituesit por duhet me i dhanë llogari komunës me participim me 20%. Këtu na ka dhënë vërejtje te serat, sido qoftë ne e presim ndihmën e auditorit që do ta kemi shumë shpejt në Shkurt apo Mars ata vijnë dhe do të na ndihmojnë. Tani do të ndalem se ka keq klasifikime në masën më të madhe që janë gjykua nga anëtarët e Kuvendit, qoftë nga Drejtoria e Financave, qoftë nga sugjerimet apo rekomandimet që kanë dal nga rregullorja që përmendi drejtori i Financave janë shterua pra maksimalisht janë larguar keq klasifikimet, shpresojmë që s’do të kemi dhe për këtë na ndihmon auditori kombëtar kur të vjen tash edhe na konstaton se a ka keq klasifikime apo jo. Ato që ti kam thënë në letër Dervish Çadraku janë të qarta pavarësisht që janë thënë përmes drejtorive, oborri i shkollës, shtigjet e ecjes, përmendet rruga transite se dhe atje do të bëhet një shtegë i ecjes që do të lidhet me transitin e ri. Te shtëpia e pleqve, nuk ka tjetër kund dhe ne e kemi planifikua edhe e kemi dërgua atje, kur do që të ndërtohet, pleqtë kanë me pas sigurve transportin, higjienën edhe ushqimin ditor aty pra do të organizojmë transportin 3deri në 4 herë ne ditë dhe e marrim përsipër si komunë sepse nuk ka pronë në qytete, vendi është i mirë i pastër dhe prona është i Komunës dhe objekti do të ndërtohet mirë. Shkollat ne po i ndërtojmë, nëse e kam pasur në buxhete me ndërtua shkollën në Reti dhe Hoxhë të vogël e Brestoc nga buxheti i ish qeverisë se kaluar ose ish kryetarit, unë nuk e heqë sepse aty nuk ka pasur kushte as në Reti e as ne Hoxhë të vogël e Brestoc, nuk ka kushte as në Fortesë që kur të bien shi aty e merr uji, ska kushte për eficiencë pra nuk banë me u zbatua programi i eficiencës, mirëpo nuk kemi qare pa e ndërtua ne atë madje ka kërkesa edhe për shkolla të reja ju e dini shumë mirë që ka edhe në kuvendë, ne kemi programe eficiencë për shkolla mirpo kemi edhe shkolla të reja që po i ndërtojmë. Unë jam dakord që ska rini mirëpo kjo i bien që ne

të planifikojmë me mirë familjen, të rrisim natalitetin. Ne po përpiqemi me i permisue çdo ditë, janë disa prioritete që gjykohen ma te rëndësishme, me të shpejt që duhet me realizua, unë besoj që në vitin 2020 kam me dëshmuar se ka pas me pak disbalancë, ne vitin 2019 kanë fillua me u stabilizua mirëpo në 2020 edhe më shumë për shkak se ne kemi lidhur kontrata. Të gropat septike, ne kemi një projekte që kemi marrë një donacion prej MAPL-së, kanalizimet dhe gropat septike, tash ne i kemi ndaje 150 000 euro sipas prioriteteve dhe sipas atyre që merren me projekte, na tregojnë specifikisht se ku mundet të bëhet një gropë septike, sa i takon kolektorëve apo impianteve e dini që janë projekte milionëshe të cilat ne ju kemi adresua Ministrisë së Financave dhe shpresojmë me gjete ndonjë donatorë. Nuk ka kapacitet buxheti komunal me përballua shuma mbi 10 milion eurove, jemi të interesuar me i bo ato në momentin kur i bëjmë, kemi kërkesë pozitive unë po ju garantoj se kemi me ju informua. Te barnat esenciale te reagencat, ne edhe nga buxheti komunal ndajmë diçka por përgjegjësin për furnizim me barna esenciale kryesisht e ka marr Ministria, unë besoj që ka më pak ankesa dhe gjithnjë me pak do të ketë ankesa në QKMF e sidomos kur të përurohet objekti i ri i emergjencës. Ne kemi fillua me stabilizua edhe pse nuk jemi të kënaqur asnjëherë sepse këto janë gjëra që kaniherë disa reagenca shkojnë me shume pasi nuk varet gjithçka prej neve mirëpo ajo çka varet me ndihmën e juaj, ne kemi marr vendimin dhe është lidhur kontrata për me shtua reagencët, laboratorët etj. që kemi investua edhe me buxhete tonin që po besoj që ankesa ka me pas me pak. Unë vërtet që kemi reflektue dhe me këtë po ju drejtohem shëfave të grupeve, prej Rasim Fazliut që e mori fjalën i pari, në kemi reflektua edhe unë kam insistua te drejtori i Financave që me pas sqarime, me pas informata shtesë grupet tona politike, përfaqësuesit e zgjedhur dhe maksimalisht aq sa ka lejua faza ku jemi, rrethanat apo infrastruktura ligjore ku jemi, ne kemi operua në përputhje me kërkesat të cilat janë dëgjuar në seancën e shtatorit. Kemi tentuar me heqë keq klasifikimin, me bo planifikim me te mirë edhe të hyrave edhe me bo sqarime shtesë me i specifikua kodet e përgjithshme me i konkretizua me prioritete të veçanta. Natyrisht unë jam i bindur që ne, jemi munduar me bo atë që duhet me bo. Ne jemi vonuar pak në miratim të buxhetit mirëpo unë po mendoj që ky buxhete megjithatë është një buxhete që karshi rrethanave ku jemi, ligjeve që i kemi në fuqi, mundësive tona buxhetore është për qytetaret e komunës dhe për asnjë parti politike. Tash unë si kryetar i komunës si propozues i buxhetit kemi pasur konsultime shtesë dhe jemi munduar me informua edhe ne mënyre zyrtare edhe kuvendin e komunës, përgjegjësit e grupeve me materiale shtesë edhe unë po mendoj që ka ardhur koha me aprovua buxhetin e komunës me plotë vërejtjet të cilat ne i dëgjuam dhe po ashtu edhe me plot vërejtje që ka me na dhanë auditori i përgjithshëm pra zyra kombëtare e auditimit, ata do të na ndihmojnë ata pak me shume se sa ne mendojmë, kane me specifikua a kemi bo keq klasifikimin, kanë me specifikua a kemi bërë planifikim të mirë, kanë me specifikua se ku janë të metat dhe raportin e auditorit ju keni me pas në kuvendë. E dini që në korrik ka me ardhë në kuvendë të komunës dhe keni me pas rastin me debatua për raportin e auditorit gjeneral. E di që edhe ne i kemi të metat tona, po aq sa doni ju si përfaqësues të zgjedhur, besoj që e kuptoni edhe për mua si kryetar i zgjedhur nga qytetaret, edhe unë kam dëshire me realizua sa me shumë me konkretizua edhe ju e dini se kam njëfarë burmie pasi edhe me ndihmën e juve as unë vet nuk mundem ta bëj. Pra nuk janë veç drejtoret që me ndihmojnë por me ndihmon edhe Kuvendi i Komunës, me ndihmojnë edhe grupet tjera politike edhe unë mendoj që kryetari i Komunës pa ndihmën e njerëzve që bëjnë vërejtje, plotësime dhe japin ide me propozime, problem është me u implementue vizioni i kryetarit të komunës edhe pse drejtpërdrejt jam i zgjedhur. Unë e kam kërkuar ndihmën e juaj dhe jam ka e kërkoj edhe tani për me votua buxhetin për shkak se nuk është mirë me u vonua, ju e dini se nuk është miratuar as buxheti i Kuvendit të Kosovës për disa arsye themelore sidomos për ata që janë me përvojë, ju tash duhet me dëgjua mua sepse atëherë u kon fushatë pra duhet të jemi korrekt, nëse jam dal atëherë me postime sepse kam besuar se jam kon i bindur që ka me kalua, për shkak se nuk kam pasur ndonjë informatë që nuk kam me kalua. Unë e kam ndjek procesin e konsultimeve publike si kryetar, komiteti për Politike dhe Financa i ka krye punët e veta dhe unë kam pasur ndonjë situatë sepse me pas ditë i

kisha thirre edhe shefat e grupeve, kisha bo seancë paraprake të kuvendit mirëpo besoni që nuk u kon e lehtë mos me kalua në atë kohë për mua, për shkak se me ikë disa situatave, me i dhanë mundësi ekzekutivit të komunës me bo përmirësime apo sqarime, unë e kam tërheq prej rendit të ditës që natyrisht jo dhunshëm por e kam tërheq sepse propozuesi pra kryetari i komunës ka vlerësua me lanë për një etapë tjetër ndoshta me i bo këto përmirësime, me i adresua këto shqetësime të cilat ju i keni thanë këto dhe ne maksimumin e kemi bo. Unë ju ftoj me votua Kornizën afatmesme buxhetore gjegjësisht buxhetin për vitin 2020 si një e mirë e madhe e jona e përbashkët për të ja kthyer për të mirë qytetarëve të kësaj komune natyrisht që ky buxhete prej mbi 14 milion eurove pastaj 40 milion edhe me donatorë edhe me ndonjë grand qeveritarë sepse sa me shume që ne absorbojmë fonde e hime neper programe edhe me mirë është për qytetarët e Komunës. Sa i përket keq klasifikimeve edhe njëherë po them auditorin e kemi, ma mirë ju më lan faje mua sepse edhe unë duhet me i marr përgjegjësitë fajet e të metat e mia por unë besoj që është momenti shumë i përshtatshëm që të aprovohet buxheti kuptohet duke i marr parasysh vërejtjet, sugjerimet, rekomandimet e kuvendit të Komunës. Uroj që të kaloj buxheti edhe unë besoj që ne kemi me u pae prapë edhe kemi me u pae ballë për ballë, nuk kam dëshire askënd me pae kokulur sepse e tha edhe drejtori Afrim Limani që e keni pae edhe vet se afërsisht 1 milion euro është diferenca kuptohet diferencën me shume e ka rrit ligji i pagave dhe se di a do të bëhet fuqiplotë dhe na kemi rritje në buxhetin e pagave gjithkrah, nuk është se janë rritur shumë investimet kapitale, ka një rritje të vogël por jo sa kemi nevojë ne ose siç kemi kërkesë si komunë edhe sikur komunat tjera. Faleminderit shume, nuk jam dal këtu me ju dhanë sqarime secilit, jam përpjekur me bo një shpjegim parimor për katër shefat e grupeve parlamentare. Ne jemi këtu dhe kërkoj edhe njëherë me aprovua buxhetin e Komunës se Rahovecit.

Afrim Limani – E ndiej si obligim me ju dhanë një përgjigje të shkurtë për disa çështje të cilat u ngritën edhe pse shumë gjëra i tha edhe kryetari. Dua të filloj nga pyetjet e parashtruara nga Rasim Fazliu, Fehmi Cena dhe asamblistë të tjerë dhe përgjigja ime do të ndërlidhet edhe me pyetjet që i kanë bërë edhe të tjerët. Të hyrat vetanake në total janë të pakta, nga pyetja e parashtruar në krahasim me vitin e kaluar se pse janë të pakta. Nëse ju kujtohet të nderuar asamblistë edhe në raport financiar e kam potencuar këtë çështje edhe kam kërkuar nga Ministria e Financave që me i rritë të hyrat vetanake, këtë nuk kemi mundur me bo për shkak se arsyetimi i tyre ishte se ne jemi brenda kornizave dhe tani nuk mundemi mirëpo edhe këto të hyra të cilat janë të planifikuara janë me të vogla në krahasim me vitin e kaluar dhe duhet ta dimë një gjë se gjatë e gjykatave dhe të trafikut tani nuk planifikohen ne kuadër të komunës sepse këto të hyra planifikohen drejtpërdrejt nga Ministria e Punëve të Brendshme. Ne këtë vite i kemi pasur 180 000 euro vetëm gjatë në trafikë edhe afërsisht 17 000 atje llogaritet që buxheti jonë sikur të kishim planifikuar ne atëherë përafërsisht edhe mbi 20 000 euro do të ishte rritur vlere e buxhetit. A do të kishte pasojë sikur të ishte planifikuar në shtator, kjo e mirë pozitive e kësaj është sepse ndoshta pikërisht tek të hyrat vetanake pasi neve veç sa na ka ardhë një shkresë nga Ministria e Financave duhet ti rirregullojmë pasi kjo na është gjetur në kohën me te përshtatshme të planifikimit të të hyrave. Te keq klasifikimet u parashtrua pyetja, tek hartimi i projekteve që është në kuadër të listës së projekteve kapitale sepse e kam sqaruar edhe ne Komitetin për Politike dhe Financa, nëse i hije të hartimit të një projekti kapital e rritë vlerën e atij projekti dhe kjo është e përcaktuar saktë me ligje. Siç e thash edhe në fillim, po besoj që kemi bërë një planifikim jashtëzakonisht të mirë të hyrave vatanake sepse e kemi pasur edhe kohën në dispozicion edhe krahasimi në baze të realizimit, por pasi keni kaluar edhe ju një mandatë si drejtor këtu ta besoj edhe e pranoj propozimin tuaj. Pra duhet ta potencoj se nuk ka keq klasifikime pastaj Masari dhe Ftoni e bënë pyetjen e njëjtë tek ndryshimi i buxhetit sepse grand i përgjithshëm është rritur në atë vlerë edhe limitet dhe tavanet buxhetore i cakton Ministria e Financave në kategori të veçanta si p.sh. në paga e cakton shumen e caktuar se sa duhet të jetë atëherë ne nuk guxojmë me lëvizë brenda asaj strukture edhe mallrat dhe shërbimet janë rritur për një vlerë të caktuar me kërkesë tonë duke ditur se i kemi ikur keq klasifikimeve në mënyrë që mos të na kalon limiti i caktuar mbi vlerën 140 000 pra kjo është arsyeja sepse i

çakton Ministria e Financave limitet dhe tavanet pastaj Dervish për sugjerimet dhe vërejtjet e tua i kemi parasysh në të ardhmen.

Fehmi Cena – Para se me vënë në votim, kishim kërkuar një pauzë prej 10 minuta, sigurisht nëse pajtohen edhe të tjerët.

Rasim Fazliu - Unë mendoj që të gjitha bisedimet i bëmë dhe unë mendoj që çfarëdo konsultimi që bëjmë nuk mundemi me i tejkaluar pasi na e dhamë qëndrimin tonë si PDK edhe tash unë nuk mundem me bo marrëveshje tjera pra nuk kemi çka me ndryshuar pasi na e dhamë qëndrimin tonë, vërejtjet tona dhe të gjitha çka patëm për ti thënë edhe tani mendoj se nuk kemi çka me kontribuar diçka me tepër.

Fehmi Cena – Për t'i qartësuar, ne si grup i LDK-së po e themi kështu pozicionin tonë definitiv, në të gjitha vërejtjet i kemi grupuar në tre grupe: tek planifikimi i të hyrave vetanake, ato vërejtje që i kemi pasur ne thamë që janë përmirësuar dukshëm edhe për atë s'ka asnjë problem, te specifikimi i projekteve që e kemi shikuar, unë përmenda shifrën, afërsisht 80% i keni specifikua mirëpo 20% nuk i keni specifikua. Ne jemi të vetëdijshëm se edhe në të kaluarën nuk ka pasur specifikime të projekteve nëpër kode dhe në rregull është edhe megjithatë është një përmirësim por te keq klasifikimet kjo është ajo pjesë e pakalueshme. Nëse e kërkon votën tonë, unë e thash që është një pjesë që ne mendojmë se bie ndeshë me ligjin, me rregullat dhe kjo është e pakalueshme. Ajo çka është kapitale pra është kapitale, e thamë shuma prej 605,000 euro e keni nga subvencionet dhe mallrat e shërbimet në kapitale, pra është keq klasifikim, po e potencoj ne jemi të gatshëm që këtë shumë që të mos humbet buxheti prapë ta ri destinojmë për projekte kapitale që gjithashtu është në interes të qytetareve pra kemi ku të investojmë edhe në infrastrukturë rrugore, në ujësjellës, në kanalizime, ujëra atmosferike në qytetin Rahovecit që asgjë nuk është bërë deri me tani, edhe në arsim edhe në shëndetësi. Për subvencione jemi gjithashtu për subvencionimin e bujqve por nga buxheti për subvencione e jo nga kapitalet sepse jam i sigurt se kemi me pas vërejtje përsëri nga Zyra Kombëtare e Auditorit dhe nuk kemi dëshirë me i përsërit këto do të thotë ju e keni përgatit buxhetin, nuk po themi që është shumë i keq, që mendoj se ka shumë gjëra të mira mirëpo ne duam që i gjithi të jetë sa më i mirë dhe sa më i kalueshëm edhe konformë ligjeve edhe rregullave pra të jemi më të pastër ndaj qytetareve tanë. Faleminderit.

Kryesuesi – Të nderuar kuvendarë, e qesim në votim pikën e tretë të rendit të ditës. Të nderuar kuvendarë, me 20 vota pro, 1 kundër dhe 6 abstenime konstatojmë se aprovohet buxheti për vitin 2020. Faleminderit shumë.

Sali Sallteku – Unë e di që jemi në shërbim të qytetareve të gjithë ne këtu por le ta dinë të gjithë kuvendaret edhe ata që e votuan edhe ata që nuk e votuan se nuk i kemi bo hajrë komunës pasi Kryetari pak me përpara tha se nuk e kam ditë se qysh ka me ardhë puna pasi nuk e din se ku i ka shtatë delegatë. Unë mendoj se është deshtë me ditë që mos me ardh në këtë gjendje qashtu si tani. Faleminderit shumë.

4. Shqyrtimi i Raportit vjetor financiar për vitin 2019.

Afrim Limani – Përshëndetje edhe njëherë të nderuar asambleistë, raporti financiar i komunës së Rahovecit për vitin 2019 konsideroj që në këtë raporte janë të futura të gjitha ngjarjet dhe aktivitetet financiare të cilat janë zhvilluar gjatë vitit fiskal 2019. Për dallim prej herëve tjera, ky raporte kësaj radhe ka një formë tjetër të dizajnit edhe janë të futura të gjitha shënimet në mënyre analitike në bazë të llogarive të arkëtueshme të cilat i kemi. Raporti përbehet prej 3 pjesëve: pjesa e të hyrave, pjesa e shpenzimeve të buxhetit dhe pjesa e aktiviteteve të prokurimit të cilat kanë ndodhur gjatë vitit fiskal 2019. Unë do të jem më i shkurtër kësaj here në raportim duke ditur që kemi edhe shume pika tjera të rendit të ditës mirëpo shkurtimisht do të them disa të dhëna. Të hyrat e komunës së Rahovecit për vitin 2019 në total janë 1 308 477 euro bashke me gjobat e gjykatave dhe të trafikut. Kur e bëjmë një krahasim me periudhën e njëjtë të vitit të kaluar atëherë kemi një rezultat të hyra pozitive me një vlerë prej 148 297 euro. Realizimi i buxhetit është në masën prej 14 688 601 euro kështu që në total përqindja e shpenzimit të buxhetit është 98.71% që është një performancë e mirë e shpenzimit të buxhetit dhe kjo performancë është njëherit edhe kriter për thithjen e donacioneve të ndryshme qoftë në donacione të nivelit kombëtar dhe ndërkombëtar. Pastaj i keni në raport kategorinë e shpenzimeve të

mallrave dhe shërbimeve sipas kodeve ekonomike të përshkruara në mënyre të detajuar dhe krejt në fund do të ju tregoj pjesën e borgjëve të cilën i kemi bartur për vitin 2020 dhe këto janë në mallra dhe shërbime kemi 96 091 euro që është performanca e mirë e shpenzimit të buxhetit njëkohësisht edhe këtë vitë bartim më pak borgje se në periudhën e njëjte të vitit të kaluar ku e dimë ne se kemi bartur dikun prej 176 000 euro kurse tash i kemi 96 000 euro, shpenzime komunalë kemi 7239 euro, subvencione 1580 euro dhe investime kapitale prej 765 426 euro që do të thotë se borgji financiar ka zbritë dukshëm në raport me periudhën e njëjte të vitit të kaluar kur i kemi pasur mbi 1 milion e gjysmë. Unë më tepër nuk dua të ju marr kohë, pres ndonjë pyetje nga ana juaj.

Kryesuesi – Faleminderit drejtor për prezantimin, fjala është për ju kuvendarë të nderuar, nëse dikush ka diçka për të thënë.

Florida Bajraktari – Faleminderit kryesues, fillimisht e falënderoj drejtorin për paraqitjen e raportit financiar për vitin 2019. Nëse bazohemi tek tabela 1.3 shohim se nga viti në vite kemi rritje të hyrave të rregullta apo vetanake. Në vitin 2019 kemi tejkalim të hyrave kundrejt asaj sa janë planifikuar, kjo është mirë dhe ju gëzohem këtyre shifrave por konsideroj se kjo nuk ndodhë për shkak planifikimit të dobët apo keq planifikimit p.sh. tek kodi 40110 tatimi në pronë dhe tatimi në tokë. Planifikimi për 2019 është më i vogël se realizimi që është bërë në vitin 2018 pastaj tek kodi 50409 participimet nga bujqësia që planifikimi për vitin 2019 është larg realizimit që ka ndodhur në vitin 2018 e të tjera. Këto tregojnë se planifikimi nuk është bërë si duhet edhe ka ardhë deri te tejkalimi i planifikimit ndërsa tel tabela 3.2 shpenzimet sipas kategorive ekonomike, mendoj që shpenzimi i mjeteve buxhetore neper kategori ekonomike është në nivelin e duhur. Uroj që kjo përqindje e prezantuar të përputhet me shifrat që do të dalin nga auditori i përgjithshëm. Te mallrat dhe shërbimet kemi rritje të shpenzimeve krahasuar vitin 2019 me vitin 2018,. Në vitin 2018 janë shpenzuar 975 105 euro ndërsa në vitin 2019 janë shpenzuar 1 352 072 euro d.m.th. 376 968 euro më shumë. Faqe 21 tek raporti i obligimeve të paguara për vitin 2019 tek tabela 4.1 mallra dhe shërbime, me erdhi interesant se faturat e vitit 2016 dhe 2017 disa ishin të paguara kurse në vitin 2018 të gjitha ishin të paguara. Mendoj se pagesa duhet të bëhet me radhë sipas viteve e jo të kryhen të vitit 2018 kurse të viteve të mëparshme 2016 dhe 2017 mbesin pa u paguar. Gjithashtu edhe në raportin financiar për vitin 2019 mungon paraqitja e buxhetimit gjinorë në mënyre të detajuar. Ju faleminderit për vëmendje.

Fehmi Cena – Faleminderit kryesues, ne kemi përpara raportin financiar për vitin 2019 të përgatitur nga ana e drejtorisë, më ç'rast e falënderoj për formën e prezantuar. Është e qartë, është e prezantuar në formën tabelorë gjithashtu e tha edhe drejtori në raporte me planifikimin ka pasur tejkalim të të hyrave edhe planifikimi natyrisht të hyrat janë planifikuar duke përfshirë edhe gjobot në trafik edhe në gjykatë, duhet pasur parasysh se prej këtij viti faktikisht këto nuk do të përfshihen në planin buxhetor për të hyrat dhe qeveria lokale duhet të ketë parasysh në mënyrë që ti përmbushë ato obligime që i ka marrë për këtë vit. Në faqe 5, dua të bëj disa ndërhyrje të krahasimi i të hyrave të rregullta të realizuara sipas kodeve ekonomike, do të thotë po e shoh që edhe nëse tatimi në pronë që konsiderojmë që është ajo forma ma e qëndrueshme e të hyrave që ka pasur rritje të hyrave por me poshtë nëse shikojmë disa kode tjera p.sh. kodi 5000 Taksa komunale për leje ndërtimi në raport me planifikimin, të hyra ka pasur shumë pak pastaj është taksa për legalizim të objekteve gjithashtu nga 38,000 në 533 euro d.m.th. ka pasur pak të hyra pastaj shfrytëzimi i pronës publike gjithashtu që po i përmendi disa kode ku vërtetë ka diferencë të madhe në mes planifikimit dhe të hyrave nga 34,000 në 13,000 euro, qiraja në objekte publike nga 8,000 në 2,000, janë disa kode që duhet të shikohen mirë pse është kjo diskrepancë, të shëndetësia gjithashtu participimi ka qenë i paraparë 50,000 kurse të hyrat janë 37,695 euro, nuk është keq mirëpo ekzistojnë forma për me i rritë të hyrat edhe në shëndetësi p.sh. unë e kam cekur edhe më herët komisioni mjekësor për certifikata për patentë shofer, pse nuk po e formon QKMF-ja në Rahovec sepse aty krijohen të hyrat edhe krijohet shërbimi për qytetaret tanë, gjithashtu edhe sistemi i informimit

shëndetësor i cili ka çaluar në këtë vit i QKMF-së që gjithashtu inkorporon në vete të hyra shitesë edhe me siguri participimi kishte me qenë më i mirë, do të thotë drejtoria duhet të shikojë në të ardhmen të punoj në këtë drejtim. Te shpenzimet sipas programeve, janë prezantuar shpenzimet, te shëndetësia kemi pasur planifikim të shpenzimeve edhe për subvencione 50,000 euro që këtu nuk i kemi në tabelën 3.1 që është dashtë të prezantohen ato shpenzime se për çka janë bërë ato 50,000 euro, është përmendur se ato shpenzime do të bëhen për subvencione po ashtu edhe kategoria e ndihmave momentale për qytetarë më tepër për të sëmur që këtu nuk figuron pra është një vërejtje që unë kërkoj sqarim prej drejtorit pse nuk figuron këtu 50,000 që është paraparë ndërsa subvencioni në shëndetësi te shpenzimet është zero. Pastaj tabela 3.1 tek shpenzimet shërbime dhe mallra sipas kodeve ekonomike, ne kemi vërejtur se shpenzimet në raport me 2018 janë bërë me tepër në mallra dhe shërbime, një diferencë që nëse i përfshijmë edhe këto 96,000 euro borgj që po mbetet komuna edhe 377,000 pra afër 500,000 euro po mbetemi faktikisht që janë shpenzuar nga shërbimet dhe mallrat. Mendoj se kjo është një kategori buxhetore ku komuna mundet me kursyer me tepër edhe mos me bo shpenzime aq shumë, në mënyrë që ato mjete të kursyera pastaj të shfrytëzohen për projekte të ndryshme që janë në interes të qytetareve. Kisha me theksuar veçanërisht kodi 13501 mobile me pak se 1000 euro, për derisa për vitin 2018 shpenzimet kanë qenë 29,000 kurse në vitin 2019 kanë qenë 49,000 euro do të thotë është një diferencë e shpenzimeve shumë e madhe. Te pajisje tjera, me pak se 1000 euro që në vitin 2018 kishte 15,000 euro kurse në vitin 2020 kishte 60,918 euro, që është një dallim shumë i madhe, tek furnizimet mjekësorë gjithashtu ka pasur një shpenzim më të madhe nga 9000 euro në vitin 2018 ndërsa në vitin 2020 është 26,000 euro. E di që në shëndetësi munden të shpenzohen, ka arsye me u shpenzua mirëpo nuk e di për çfarë qëllimi janë shpenzuar këto të holla më tepër për vitin 2020. E kemi vërejtë se kemi pasur vërejtje rreth furnizimeve shëndetësore p.sh. për laboratorë, se kanë munguar reagencat për një kohë të gjatë etj. kështu që nuk mund të lavdërohem i se furnizimet kanë qenë më të mira për vitin 2019 në raport me vitin 2018 ndërsa shpenzimet janë bërë me shumë kështu që drejtori sikur të ishte këtu mirë do ishte me na sqarua pak rreth kësaj. Sa i përket pjesës së borgjeve, obligimeve buxhetore të komunës drejtori i ceku, pyetja ime do ishte se pse kanë mbetur ashtu ato borgje dhe pse nuk janë paguar nga pjesa e buxhetit që është paraparë. Faleminderit **Kryetari** – E di që raportin financiar e përgatitë drejtoria për Financa dhe Buxhetë por natyrisht që dikush mundet me thanë se pse s'po del drejtori ka me dal menjëherë mirëpo unë po duhet me i dhanë disa sqarime që për bindjen time janë parimore dhe të nevojshme. Ligji për legalizime përkatësisht udhëzimi i ri, në shtator të vitit 2019 ata që janë të informuar e dinë, drejtori i urbanizmit është këtu prandaj ne kemi besue që mundet me rifillua ose me fillua procesi i legalizimit edhe më herët që nuk ka ndodhur tek ka fundi i vitit 2019 prandaj edhe nuk është planifikim i keq por nuk ka mundur me pas të hyra, tash kemi prurje nga legalizimet jo në masë të madhe mirëpo kanë filluar, besoj që është i aplikueshëm edhe kanë filluar me ardhë kërkesa. Te qiraja në objekte publike ka vështirësi në realizimin e të hyrave edhe nga ky pozicion për shkak se përveq këtyre kompanive reklamuese që i bëjnë ato, kemi edhe disa obligime që s'kemi mundur me i trashëguar që 20 vjet që janë borgje të këqija që vazhdimisht kemi pasur edhe vërejtje prej auditorit te qiraja pastaj tek objektet publike, tek taksat afariste që janë grumbullua disa borgje që kanë mbetur, tash kemi fillue edhe me përmbarues të merremi por sidoqoftë përpjekje janë botë demonstron se po bëhet planifikim i mirë. Në QKMF nuk e kemi harruar faktin që janë dy ndërrime nga gjysma e dytë e vitit 2018-të dhe në vitin 2019 janë dy ndërrime në Krushe dhe në Ratkoc, natyrisht se shtohen edhe shpenzimet, pastaj ju keni pae se ka ndriçim publik në Dejnë, ka disa pozicione që u rritë pozicioni i hargjimit të buxhetit edhe ne ndriçim publik pastaj është shume me rëndësi që ta vlerësojmë edhe një fakt se palestra sportive është përruruar dhe paramendoni sa ka rritje të shpenzimeve edhe në komunalë edhe në mallra dhe shërbime sepse ka aktivitete shume dhe ka mirëmbajtje dhe plot shpenzime të cilat nuk janë kon dikur pastaj tek mobilet kemi pjesën që lidhet me palestrën sportive prapë ka si ne administratë që janë bërë edhe objekte te reja që të gjitha lidhen tek rritja e

shpenzimeve te mobilet që i përmendi Fehmi Cena, tek ndihmat momentale unë ju siguroj që ka një listë të publikuar për herë të parë se kush janë përfitues te ndihmave momentale me emër e mbiemër, dikush na ka thënë se nuk keni të drejtë me publikua mirëpo ne i kemi thënë vetes se kemi të drejtë për shkak se 10 poenta i kemi humbur për shkak se nuk i kemi publikua edhe pse bien ndeshë me ligjin për mbrojtjen e privatësisë por është një organizate që i monitoron dhe ne kemi fitua dhe jemi rendit që veç Kamenica edhe dy apo tri komuna tjera i kanë publikua analitiken d.m.th. krejt kush ka marr të holla prej komunës se Rahovecit edhe nga qeto 50 000 listën në webaqen zyrtare që kemi këtu zyrtarin kompetent Azizin që mundet me na demantua, nëse nuk është kështu pra për herë te pare publikohet me emra dhe mbiemra dhe ai që ka qenë me gjendje keqe shëndetësore që ka marr shumen e 50 apo 100 euro e ka emrin të regjistruar d.m.th. ne e kemi marrë këtë guxim, nuk i sigurt a kemi bërë shkelje ligjore por disa komuna po e bëjnë edhe po përfitojnë projekte kapitale apo grande për shkak se po jep poenë shumë në qoftese po bëhet ajo analitika që këta që merren me financa e din ma mirë. Tek planifikimi i të hyrave, tatimi në tokë ka figurua por as sivjet nuk bëhet tatimi në tokë që është shtyrë për vitin 2021, unë kam besua që sivjet ka me fillua me u aplikua tatimi në tokë mirëpo është shtyrë për vitin 2021, që ka pasur të bëhet vitin e kaluar, sivjet është prit me u bo mirëpo është shtyje prapë edhe për një vite kështu që nuk është keq planifikim por janë ndoshta defektet që atyre që i aprovojnë ligjet, qe i nxjerrin udhëzimet administrative, që i japin direktivat komunave se si me veprua ne tatimin në pronë edhe në tatimin në tokë. Pra mirë është që i kemi zvogëluar borgjet ndërsa për detaje se pse nuk janë paguar ato borgje për 2017-2018, nuk duhet të harroni që ne kemi edhe konteste ndoshta ka edhe borgj edhe te vitit 2018 që nuk mundesh me pagua por ndoshta ka të vitit 2016 që je i obliguar me pagua d.m.th. kemi situata të cilat i qartëson drejtoria e financave me thesarin pra operatorin ndoshta me gjykatat apo ndoshta ka diçka kontestuese etj. Që s'po dua të futem në detaje, qe me siguri i jep drejtori Afrim Limani. Tek SISH-i, ndoshta me përrurimin e qendrës të objektit të emergjencës mundemi me pas me shumë motivacion, përkushtim dhe me shumë angazhim për me aplikua në mënyrë me të mirë SISH-in (Sigurimi informativ shëndetësor), që me siguri doktor Fehmiu e din më mirë se për çka e kam fjalën, në nuk është që s'kemi provua mirëpo nuk ka. Pse nuk janë rrit me shumë të hyrat në QKMF. Ju e dini që ky kuvendë ka marr vendime, ka ndryshua, ka plotësua rregullore, kemi liru shume kategori prej taksave, ka plot raste sociale, veteranë, invalidë, familje të dëshmorëve që po ashtu ka edhe kategori tjera që unë po pajtohem që duhet me zgjerua bazën e financimit, nuk po dua me lan gjithë fajin se pse nuk po ndodhin këto të objektit të ri që ende po na mungon e që po shpresojmë me përrurua sa ma shpejtë por une mendoj që na duhet me bo bashkë diçka me zgjerua bazën e të hyrave se ka edhe prej atyre që s'janë të liru, qe ndoshta mjekët aty nuk i këqyrin disa gjëra edhe nuk i shtinë me pagua sikur puna ime hajt se është kryetar komune dhe nuk ja kërkojnë as qatë 1 euro për participim që kam vet këso raste, pra më mirë 37 000 se sa ka raste edhe me pak ,ne i kemi planifikuar 50 000 mirëpo 37 000 janë mbledhur. Unë mendoj që munden me u mbledhë edhe me shumë ndoshta jo nga ai participimi 1% mirëpo mundet me u zgjerua baza e te hyrave në qendrën kryesore të mjekësisë familjare edhe njësite e saj që i ka nëpër vendbanime. Tek servisimi i veturave edhe pse nuk e përmendi kerkush mirëpo raportin ne e prezantojmë, ju e vëreni se dikun ka rritje edhe dikun ka zvogëlime, ne gjithashtu bartim edhe borgje prej vitit në vite, normalisht që prej vitit të ardhshëm, ndonjëherë disa kerre servisohen sepse duhet të servisohen prapë se janë kerre të vjetra, ndonjëherë p.sh. vetura zyrtare kur të servisohet njëherë i duhet pas 2 apo 3 vjete me u servise prapë d.m.th. ne nuk mundemi me dit saktësisht, pastaj kemi rritje të shpenzimeve të karburanteve sepse u rrit edhe çmimi i karburanteve, ju e dini se kontratat nuk i bëjmë ne por i bënë Ministria e Administratës publike që atje centralizohen dhe ne vetëm i bëjmë kërkesat pra në disa vende shihni zbritje dhe ne disa pozicione kemi rritje dhe krejt varet se për çka, besoj që për këto është ne gjendje drejtori Afrim Limani me ju shpjegua deri në detaje. Tek buxhetimi i grave atje edhe unë jam pro këtij buxhetimi mirëpo nuk e di edhe për këtë i kam thënë drejtorit ma specifikisht me ndaje një

buxhete ose nen kode të veçantë edhe për rini edhe për gra, qe dikush me ka thënë se një komunë e k mbërri me bo mirëpo me gjasë e kanë fillua me herët, tash na nuk mundemi me i ndërrua kodet kur duam por mirë është me u buxhetue edhe rinia specifikisht edhe gratë edhe kategoritë e veçanta por nuk është që nuk ju kemi ndihmuar ne për ndonjë kërkesë që kanë pasur ose grupi joformal i grave ose të rinjtë por unë jam për me buxhetue specifikisht me hap nën kodë ose me bo nën program për gratë, për rininë, nuk e di a do të mbërrimë me bo që edhe për këtë mundet me ju shpjegua ma konkretisht drejtori Afrim Limani. Faleminderit shume.

Afrim Limani – Disa pyetje i bëri Florida Bajraktari, vërejtje ne planifikim të të hyrave vetanake, ne kemi diskutuar edhe shumë herë që limitet i cakton Ministria Financave se sa duhet me qenë të hyrat vetanake të një organizate buxhetore për një vite fiskal, tani në rastin konkret edhe të Komunës tonë, Unë e thash edhe më herët, në e kemi adresua një kërkesë në Ministrinë e Financave, në mes të hapësirës të qarkores së parë dhe të dytë që me na i rritë të hyrat vetanake mirëpo kërkesën tonë nuk e kanë aprovuar edhe ka mbetur ashtu siç ishte. Pastaj tek të hyrat tatimore, vete Ministria e Financave i cakton limitet do të thotë komuna juaj aq do ta ketë tatimin në pronë dhe për këtë ne nuk jemi të lirë me bo planifikimin. Por konsideroj që edhe te kalimi i të hyrave është një ndryshim prej 150 000 afërsisht edhe sikur të ishte kjo shumë e planifikuar më shume për të hyra vetanake atëherë e kishim realizua objektivin, si do që të jetë është një inkasim i mirë i të hyrave vetanake duke ditur dhe duke bërë krahasimin me periudha tjera të vitit të kaluar psh vitin 2019 kemi ndryshimin 150 000 euro që konsideroj që është jashtëzakonisht e mirë për komunën tonë. Shpenzime të mëdha në kategorinë e mallrave dhe shërbimeve, vërtet që kemi shpenzim më të madhe por edhe të mallra dhe shërbimi i kemi pasur me të larta në krahasim me vitin 2018 edhe për këtë përqindja e shpenzimit të buxhetit për mallra dhe shërbime ka qenë më e madhe edhe realisht ne nuk kemi lënë asnjë obligim pa e krye pra në maksimum e kemi bërë shpenzimin në kategorinë e mallrave dhe shpenzimeve, dikun përafërsisht kjo kategori është 99%. Faturat e vitit 2016 pse nuk janë ekzekutuar. Pra vet po pyetja po të bën me kuptua sepse vitit 2016-2017 edhe qeverisja e kaluar ka pasur afate të plotë kohor për me i ekzekutua këto mirëpo ajo për një arsye apo tjetër nuk i ka ekzekutua këto edhe në faktë ne nuk e kemi pasur edhe bazën ligjore për me i krye mirpo e ndiem si obligim me bartë një borgjë që figuron pra ne kemi mundua edhe mos me paraqit si borgjë mirëpo unë e thash qysh ne fillim se ky raportë është shumë transparent edhe ne e bartim, nëse krijohet hapësira baza ligjore edhe pse është viti 2016 ne mundemi me ekzekutua këto. Doktor Fehmi Cena i parashtroi disa pyetje si mos harmonizim, planifikim dhe realizim i të hyrave vetanake, pra kjo është bërë edhe si temë planifikimi por e thash edhe në paraqitjen e buxhetit se ka pasur disa vërejtje mos harmonizim mirëpo me planifikim të buxhetit të vitit 2020, ne i kemi eliminuar këto edhe besoj që viti 2020 do të shkojë mirë. Një pyetje tjetër ishte diferenca e madhe e shpenzimit të buxhetit në kategorinë e mallrave dhe shërbimeve në mënyre analitike do të thotë mobiliet edhe te pajisjet. E vërtetë që të mobiljet ka një ndryshim të madhe të shpenzimeve të mjeteve mirëpo atë shpenzime kemi bërë kryekëput për palestrën sportive, pra na duke ditur që kemi një kontratë me një operator atëherë nuk e kemi hapë një tender të ri pra e kemi shfrytëzua kontratën ekzistuese dhe krejt furnizimin për palestër do të thotë karriket, tavolina që janë atje, e kemi shfrytëzua përmes kësaj kontratë edhe për këtë u rritë vlera e këtij kodi. Pastaj tek pajisjet tjera, edhe këtë ka një ndryshim të madhe në raport me vitin e kaluar të shpenzimit të buxhetit mirëpo arsyeja është sepse na në vërejtjet dhe rekomandimet e auditorit kombëtarë që na ka dhënë në keq klasifikime atëherë jemi detyruar që një pjesë të borgjit për projektin sinjalizimi horizontal dhe vertikal i mjeteve dhe ai projekte nuk figuron në listën e projekteve kapitale atëherë pjesën e borgjit e mbetur dikun 46 000 euro, ne e kemi paguar përmes këtij kodi projektin e sinjalizimit. Pastaj një pyetje tjetër ishte se pse nuk janë paguar këto borgjet të cilat janë paraqitur këtu në raporte do të thotë ne s'kemi pasur mjete buxhetore dhe kjo është arsyeja, por një pjesë e madhe e borgjit në komunalë që ekzistojnë aty nëse e keni vërejtë, janë faturat e vitit 2020 mirëpo ne i kemi protokollua

në vitin 2019 edhe ne bazë të protokollit i kemi vendosë si shpenzime. Unë e thash edhe ne fillim se raporti është shumë transparentë, në kemi mundur që këtë mos me ngarkue vitin 2019 mirëpo kemi veprua sipas ligjeve dhe rregullave financiarë.

Fehmi Cena – Për shëndetësi, unë kisha një pyetje për 50.000 euro që kanë qenë të parapara në subvencion, këto tjerat shumë mirë i keni shpjeguar mirëpo aty është shuma zero, pra dallimi është i madh pasi ska shënime, ne e dimë se shëndetësia ka dhënë ndihma që e ceku edhe kryetari se ka dhënë ndihma momentale në shumën 50,000 euro edhe qenka publikua edhe lista mirëpo ne këtu nuk figuron fare as si kategori buxhetore që është shpenzua kjo shumë, a mendon ti që duhet edhe një kodë buxhetore të shpenzimeve p.sh. për ndihma momentale, në mënyrë që ne me ditë, nëse ekziston një listë me emra dhe mbiemra, pse të mos ekzistojë këtu edhe një kod ndihma momentale kaq janë dhënë, së tash po mungon edhe subvencioni i shëndetësisë edhe kjo ndihma momentale nuk është transparente karshi buxhetit që ju e keni prezantuar.

Afrim Limani – Kërkoj falje doktor se unë e kam shkruar këtë pyetje edhe harrova të përgjigjem, në nuk mundemi me bo kodë të veçantë mirëpo këto ndihma momentale janë në kuadër të subvencioneve në shëndetësi, fakte që nuk figuron aty në raporte që edhe unë e vërejta një gabim teknik mirëpo pjesa e shpenzimeve të buxhetit në total është në kuadër të atij tabelari do të thotë që vetëm që nuk kemi mundur me specifiku për shëndetësi, pra ishte vetëm një gabim teknik dhe për këtë të falënderoj.

Kryesuesi – Faleminderit shume drejtor, atëherë edhe më qe nuk ka të tjerë të lajmëruar për këtë pikë, kalojmë në pikën e pestë të rendit të ditës:

5. Shqyrtimi dhe aprovimi i Propozim vendimit për tejkalimin e të hyrave vetanake për vitin 2019.

Afrim Limani – Përshëndetje edhe njëherë, më ligjin e Financave publike dhe përgjegjësi konkretisht neni 35.3 aty shkruan qartë se nëse një organizatë buxhetore bën tejkalimin e të hyrave vetanake atëherë kuptohet që me vendim të kuvendit duhet të nxirret vendimi i kuvendit dhe pjesa e mbetur e të hyrave vetanake të shpërndahet në kuadër të projekteve të caktuara. Kështu që Komuna e Rahovecit planifikimi i të hyrave vetanake ka qenë 1 168 768 euro, realizimi 1 308 518 euro do të thotë një ndryshim prej 135 750 euro, pra ky ndryshim ne e kemi orientua në projekte të caktuara duke marrë parasysh pjesën projekteve që janë më të ndjeshme edhe projektet të cilat i kemi borgje më shume por ka edhe projekte të cilat me një pjesë ndarëse të mjeteve mundemi me mbyllë edhe atë kontratë. Prandaj e kemi bo atë shpërndarje, e kemi menduar me bo shpërndarjen në këto projekte, ngrohja qendrore në shkollat e komunës se Rahovecit 36 000 euro, ndërtimi i sistemit të ujësjellësit në komunën e Rahovecit 20 000 euro, ndërtimi i qendrës kryesore të mjekësisë familjare dhe emergjencave 61 000 euro edhe ne fund investimi i zonave ekonomike në Opterushë 22 000 euro do të thotë krejt këto ne total bëjnë ndryshimin prej 135 750 euro. Kjo ishte vetëm pjesa e tejkalimit të planifikimit mirëpo ne kemi sigurisht në seancën e shkurtit e kemi edhe pjesën e mbetur të hyrave vetanake që teprica që një pjesë për një arsye të caktuar që nuk është bartur atëherë do të jetë edhe pikë tjetër e radhës ku do të i caktojmë shpërndarjen e të hyrave vetanake. Faleminderit

Ali Morina – Faleminderit kryesues, ne këtë vendim në pikën 1 thuhet: vendimi për tejkalimin e të hyrave vetanake për vitin 2019 dhe bartja e buxhetit të pashfrytëzuar nga viti 2019 ne vitin 2020, në pikën 3 figuron vetëm shuma e pjesës së rritjes së të hyrave vetanake pra a kemi të bëjmë këtu vetëm me një gabim teknik dhe nëse nuk është gabim teknik atëherë pse nuk figuron edhe shuma e mjeteve të bartura të pashfrytëzuara.

Faleminderit

Kryesuesi – Faleminderit z. Morina, atëherë pasi nuk kemi tjerë të lajmëruar për këtë pikë, e qesim në votim pikën e pestë të rendit të ditës. Konstatohet se unanimisht aprovohet pika e pestë e rendit të ditës. Kalojmë në pikën e gjashtë të rendit të ditës:

6. Shqyrtimi i implementimit të planit të veprimit për zbatimin e rekomandimeve të Auditorit të Përgjithshëm sipas planit të veprimit për vitin 2019.

Afrim Limani – Përshëndetje edhe njëherë, zbatimi i rekomandimeve të auditorit kombëtar të cilën e kam marr një pikë të cilën e kam marr sugjerimin nga ana e kuvendit, që unë si drejtori e Financave të them të drejtën nuk e kam ditë që duhet me dalë mirëpo si do që të jetë, në si drejtori e Financave por edhe ne përgjithësi si Komunë, momentin e pranimit të raportit të auditorit kombëtarë me të gjetura dhe rekomandime të tyre, në vazhdimisht jemi marrë edhe konsideroj që i kemi zbatuar disa nga rekomandimet por me së miri ato janë të paraqitura në këtë raporte unë si në totalë do të ju tregojë shifrat se sa, këtu i kemi gjithsej 21 rekomandime, të zbatuara janë 14, pjesërisht të zbatuara janë 5 ndërsa të pazbatuara janë 2. Këtu të pazbatuara të them të drejtën, një nga këto rekomandime është sepse komuna e jonë nuk ka qasje, është fjala dokumentacionin e personelit të zjarrfikësve pra kjo ndërlidhet me zjarrfikëset dhe komuna jonë nuk ka qasje këtu pasi të gjitha kompetencat dhe përgjegjësitë për zjarrfikëset i bartë Ministria e Punëve të Brendshme, komuna bën vetëm ekzekutimin e buxhetit që është në disproporcion me ligjet në fuqi por këto besoj që nga viti 2012 zjarrfikësit do të kalojnë në kompetenca të plota në kuadër të Ministrisë së punëve të brendshme, këto tjerat besoj që i kemi zbatuar sikurse që janë të prezentuara në këtë raporte mirëpo me së miri presim edhe opinionin e auditorit kombëtarë kur ti raporton pasqyrat financiare të Komunës së Rahovecit për vitin 2019-të.

Fahrie Lushi – I nderuar kryesues, i nderuar kryetar, të nderuar kolegë këshilltarë dhe gjithë të pranishmit. Pra i përmendi edhe drejtori se na kanë ardhë 21 rekomandime dhe disa sipas drejtorit që janë zbatuara mirëpo edhe nga mbledhja në KPF kam kërkuar apo sugjeruar që të thuhet se ndoshta të korrigjuara sepse të zbatuara këto janë rekomandime të gjetura dhe nuk është në kohën e tashme por e dimë se cilit vite i përkasin këto. Unë i kam marrë disa çështje apo disa prej rekomandimeve, me që drejtori e shpjegojë atë të stafit të emergjencës do të vazhdojmë me çështjen C2 dosjet e paarzhonuara të personelit dhe këto janë nga 21 mostra mirëpo drejtori i arsimit është këtu dhe kërkoje një përgjigje sepse në KPF nuk me ka dhënë përgjigje dhe thuhet se janë nga 21 mostra të audituara, prej tyre 9 janë në drejtorinë e arsimit dhe 2 janë në drejtorinë e shëndetësisë, ku janë disa parregullsi dhe janë gjetur disa dosje të cilat nuk flitet për përvojën e punës, nuk është përshkrua as koha e pushimeve dhe kërkesa e tyre kështu që këto më së miri do të na shpjegojë drejtori i arsimit. Mandej është edhe çështja A4 parregullsi në azhurnimin e stafit për shërbime të veçanta ku kemi të bëjmë me nenin 12 pika 4 ligji për shërbime civile, emërimet me afat të caktuar edhe këtë e kemi diskutuar edhe në mbledhjen e KPF-së mirëpo edhe këtu duhet një sqarim tjetër sepse thuhet që këto emërimet me afat të caktuar jepen normal me një afat më të shkurtër se 6 muaj dhe do të bëhen në bazë të kontratave të quajtura marrëveshje për shërbime të veçanta dhe të cilat patjetër thuhet se do të i nënshtrohen ligjit për detyrimet dhe për të cilat zbatohet një procedurë e thjeshtësuar e rekrutimit pra edhe kjo është një kërkesë tjetër për të cilën dua sqarim. Pastaj është edhe çështja A5 mangësi në procesin e pagesave sipas marrëveshjes për bashkëfinancim. Në dy raste thuhet se pagesa për shërbime kontraktuale në vlerë prej 20 000 euro se komuna kishte ekzekutuar pagesë për të cilat nuk janë ofruar dëshmi se janë bashkërenditur aktivitetet sipas marrëveshjes duke filluar nga përzgjedhja e stafit e deri tek raportimi i detajuar i atyre aktiviteteve dhe përmbushjes së qëllimit të këtij projekti është çështja A5. Pastaj çështja rekomandimi A6 dobësi sistematike në menaxhimin e pagesave për investime. Në dy raste Komuna kishte ekzekutuar pagesa në mungesë të raportit për pranimin e punëve ku vlera në totalë e pagesave ishte 15 206 euro, shkak i kësaj pra edhe këtu ka dobësi sistematike në menaxhimin të pagave dhe shkak i kësaj dukurie ishte neglizhenca nga ana e stafit dhe përgjegjësi për të implementuar ligjet dhe rregullat në fuqi, ku si pasojë kanë dështua kontrollet e brendshme. Pos të tjerash është e rëndësishme ta përmendim edhe çështja A7 punët e realizuara pas periudhës së skadimit të kontratës dhe vlefshmërisë të sigurimit të ekzekutimit pra po i përmendi të gjitha një nga një më që janë të gjetura edhe janë interesante dhe duhet të bartin atë fuqinë kredibile dhe të kihen parasysh për vitin e ardhshëm sepse janë të gjetura mjaft të rëndësishme dhe thuhet se pos të tjerash specifikon se kontrata është 3 vjeçare, vlera e se cilës

është 517 784 euro e nënshkruar me 22.12.2014 dhe do të duhej të përfundonte në dhjetor të vitit 2017 ndërsa këtu është ajo që komuna ka bërë shkëljen dhe të përfundonte në dhjetor 2017 megjithatë në bazë të situacioneve gjatë vitit 2018 janë realizua dhe pagua 90 000 euro pas skadimit të kontratës po ashtu edhe vlefshmëria e sigurimit të ekzekutimit të projektit të kërkuar sipas kontratës kishte skaduar, pra është paguar kjo shume 90 000 euro dhe komuna nuk është lajmëruar të zyra e auditimit kombëtarë para se të bëjë këtë pagesë. Po ashtu edhe çështja C3 nënshkrimi i kontratave pa zotime të mjaftueshëm të mjeteve, besoj që gjithsecili prej nesh e ka në dijeni se me çka ka të bëjë kjo dhe i është sugjeruar kryetarit që të siguroj që zyra e prokurimit të ketë kontrolle të shtuara që para nënshkrimit të kontratave të bëhet zotimi i mjeteve sepse edhe këtu është nënshkruar kontrata në vlerë prej 16 480 euro ndërsa zotimi i mjeteve ka qenë vetëm 15 000 euro.

Faleminderit

Kryetari – Faleminderit, së pari Fahrie Lushi nuk e ka kuptuar rendin e ditës hiq, është total jashtë rendit të ditës. Ne po flasim për planin e zbatimit të rekomandimeve të raportit të zyrës kombëtare të auditimit për vitin 2019. Pra ky raport i auditimit i zyrës kombëtare është paraqitur në kuvendin e komunës së Rahovecit edhe aty ke pasur rastin me i lexua të gjeturat, ju jeni jashtë rendit të ditës sepse ne po flasim tani për planin e veprimit për zbatimin e rekomandimeve që i ka nxjerrë zyra kombëtare e auditimit për vitin 2019 dhe faleminderit që na i ke lexuar bukur mirë të gjeturat. Prandaj ne kemi bërë një plan të veprimit për zbatimin e rekomandimeve, dy janë rekomandime të pazbatueshme që nuk varen prej fuqisë ligjore të komunave që janë në përgjegjësi e që realisht është dilemë se ne kemi nënshkrua memorandum që janë të tanët mirëpo në fakt i menaxhon agjencioni i emergjencave në kuadër të Ministrisë së punëve të brendshme. Në vetëm ekzekutojmë paga për ata nga buxheti jonë ndërkaq ende nuk kalon pasi kalon në vitin 2021 dhe ky rekomandim që auditorët e dinë dhe kjo vërejtje është për të gjitha komunat e Republikës së Kosovës aty ku ka njësi zjarrfikëse azhurnimi i të dhënave kur thotë aty rekomandimi i zbatuar, prandaj ato të gjetura pra ky planë i veprimit ka pas për qëllim me i zbatua rekomandimet, me i shikua mundësitë me i zbatua rekomandimet prandaj këtu e ke ngatërrua çështjen. Rekomandimet duhet ta dini se nuk jemi këtu për me na i lexua të gjeturat, në i kemi prua cilat rekomandime që janë adresua plotësisht, cilat janë adresua pjesërisht dhe cilat nuk janë adresua fare nga 21-sosh. Urojmë, që ju duhet me thanë tani edhe nuk po tentojmë me ju mësua, duhet me thanë që për vitin 2020 urojmë që komuna e Rahovecit të ketë sa me pakë rekomandime e të gjetura sa më pak edhe konkluzione sa me pak edhe rekomandime të përsëritura sa me pak. Përndryshe zyra kombëtare e auditimit vazhdimisht edhe ushtrisë japoneze me i hije do ti gjen diçka prandaj komuna e banë një planë të veprimit sipas ligjit për me i zbatua rekomandimet dhe ka Komitetin e auditimit të brendshëm, e ka Kuvendin e Komunës si monitorues, si korrigjues si opozitë le ta themi që kërkon llogari dhe janë plotë mekanizma të kontrollit që i kryen edhe unë urojmë që raporti i sivjetme i zyrës kombëtare të auditimit që vjen për vitin 2019-të ka me qenë më i mirë se sa raporti që e kemi pae për vitin 2018 e që përsëri ka dalë raport me opinion të pakualifikuar ose pamodifikuar me theksim të çështjes që do të thotë që mbi bazën e atij raporti ne kemi fituar Grandë, për shkak se raporti pavarësisht të gjeturave nuk e ka cenuar opinionin që ja ka dhënë komunës së Rahovecit zyra kombëtare e Auditimit por të gjetura ka me pas vazhdimisht, natyrisht se kontrollet e brendshme kanë me u shtua pra te gjitha këto që i i thash vetëm deshtë me tregua se nuk jeni në rend të ditës edhe mos na i lexo të gjeturat sepse e ke raportin e publikuar edhe e kemi shqyrtua raportin ne vitin 2019 pikërisht këtë raport, ne i kemi marrur vetëm të gjeturat edhe rekomandimet edhe sa janë zbatuar ato rekomandime. Faleminderit Fahrie, por po besoj që nuk e keni kuptua edhe po e shoh ndonjëherë që s'po e kuptoni.

Kryesuesi – Faleminderit kryetar, unë kam lexuar atë raporte të auditorit që i ka rekomandua komunës për pjesene 21 rekomandimeve edhe Komuna është marrë me atë çështje prej 21-ve rekomandimeve edhe i ka krye punët me 14 prej tyre edhe siç e sqaroj edhe kryetari dy të tjerat hynë zjarrfikëset dhe ato tjerat me radhë.

Fahrie Lushi – Faleminderit kryesues, unë për atë arsye të cilën ndoshta kryetari doli me një entuziazëm krejt tjetër para gjithë neve, unë kërkoj që kryetari të jetë pak më modest në këto raste e jo të ja fyej idenë e tjetrit sepse edhe nga KPF ne të gjitha grupet që kemi qenë prezentë, kemi thënë se nuk mund të themi se janë të zbatuara ani pse këto janë futur në një planë veprimi dhe ne i mirëpresim dhe i urojmë që të mos ketë të gjetura të tilla në të ardhmen mirëpo çfarë të keqe pati ajo që unë e diskutova sot dhe thashë po i përmendë me të vetmin qëllim që herave të tjera të mos na përsëriten këto dhe urojë që komuna jonë gjithmonë të ketë një raporte të auditimit të pamodifikuar sepse e njoh mirë këtë pjesë mbase i kam ndjekur disa trajnime sa për ti sqaruar kryetarit që e fyen personin në fjalë mua pra dhe unë ndihem shume keq për kryetarin që përdori një gjuhë të tillë. Faleminderit shumë.

Kryetari – E para është se unë nuk ju kam fyer, unë vetëm të thashë se jeni jashtë rendit të ditës pra krejt diskutimi juaj ishte jashtë rendit të ditës, në qoftë se ti e merr fyerje këtë, ju mund ta merrni si të doni, ju lutem ju po flisni për vitin 2018 kurse raporti është prezantuar për vitin 2019. Edhe njëherë po ju përsëris se keni qenë jashtë rendit të ditës, ju mund ta merrni si të doni, nuk kam për qëllim me fye askënd sepse nuk e bëj këtë në askënd, ne qoftë se ti ke mbërri me kuptua ky nuk është faji i jem, duhet ta keni të qartë këtë, unë po të them si në këtë raste po ju tërheqë vëmendjen sepse nuk ka të bëj me fyerje aspak, nëse ty te vjen keq për atë që ju thashë për një të vërtetë që mos të humbeni kohë sepse në 2018 këto janë shqyrtua krejt, ne mundemi me vërtetua me zyrën kombëtare të auditimit se a janë këto rekomandime të përsëritshme apo jo. Për ndryshe mos harro se ne zyrën kombëtare të auditimit i kemi pasur dy javë këtu në Komunë dhe po ju siguroj se ka me qenë më i mirë raporti edhe prapë kemi me fituar grandin për shkak se raporti ka me qenë edhe ma i mirë sepse tash ka më pak keq klasifikime që i përmendëm me herët edhe ne përditë po e perfeksionojnë punën më mirë, po e rrisim kontrollin me shume edhe në këtë kuptim e them se ju ishit jashtë rendit të ditës.

Fehmi Cena - U kyçem rreth kësaj pike edhe diskutimit që u bë mes Fahries dhe Kryetarit. Në fakt Fahria nuk ishte jashtë rendit të ditës sepse ne e kemi këtë pike te rendit të ditës, në mundemi pakës me u hutua rreth kësaj se edhe vet raporti ndonjëherë Kryetar dhe Kryesues dhe të nderuar kolegë, neve na huton mënyrën se si ai prezantohet, se ndoshta edhe vetë raporti nuk është i prezantuar mirë sepse fjala është për raport, sa është zbatuar, nëse e marrim këtë shtyllën statusi i rekomandimit- i zbatuar, pjesërisht i zbatuar dhe i pazbatuar do të krijon huti tek ne për shkak se nëse thoni i zbatuar p.sh. rekomandimi i parë, PVF-ja, tek keq klasifikimet nëse ju thoni i zbatuar ne e dimë se ajo është zbatuar pra është kryer ne vitin 2018 dhe nëse mendoni se është kryer ai dhe do të bëhet ndryshe tash në të ardhmen krejt e ka kuptimin tjetër p.sh. do të ishte ndoshta më mirë me thënë i zbatueshëm, se i zbatuar nuk është edhe ajo nuk është i zbatuar në bazë të rekomandimit të Auditorit por është i zbatuar në bazë të asaj që keni punuar ju ose marrim p.sh. rekomandimin numër 7, këtë e kemi shqyrtuar edhe ne Komitetin për Politike dhe Financa, marrëveshje për shërbime të veçanta që prej 9 punëtoreve që janë punësuar me këtë marrëveshje 6 i kanë tejkaluar ato kornizat ligjore prej 6 muajve në kontrata mbi vepër por tash ju e keni cekur i zbatuar pra ajo është zbatuar mirëpo në bazë të punës tuaj që është krye më herët, e si me kuptuar tash a është i zbatueshëm, a zotoji ju se nuk do të përsëritet se ai është bërë pra është krye edhe nuk mund të kthehet mbrapa edhe Fahria e ceku se i takon të kaluarës por merret sikur në të ardhmen do të jetë i zbatuar. Edhe në fund unë pajtohem plotësisht me kryetarin që tha urojmë edhe ne që në të ardhmen të kemi sa më pak rekomandime, në mënyrë që të mos ketë të gjetura që bien ndesh me ligjin se në këtë raport e kemi shqyrtuar edhe vitin e kaluar edhe e kemi parë se ka pasur të gjetura të rregullta që do të dëshironim që mos të përsëriten.

Kryetari – Edhe një sqarim, unë e kuptoj që në qoftes duhet me mbrojtje diçka ne po e mbrojmë bashke por unë qëndroj dhe jam tepër korrekt dhe po e përsëris se është raport periodik për zbatimin e planit të veprimit për zbatimin e rekomandimeve dhe në qoftë se nuk e ke kuptua edhe ti Fehmi prape nuk është faji im. Pra gjithçka është i qartë dhe nuk ka konfuzion, a i zbatuar apo i zbatueshëm ndoshta është mirë Fahria me u

përgjigj sepse është gjuhëtare por i zbatuar sepse edhe auditorët i kemi pasur këtu dhe në qitë temë ,për shkak se ata për me qit ne këtë se a është zbatuar apo jo, prape janë ardhë auditorët në Nëntor dhe përsëri kanë me ardh tash edhe kanë me nejtë këtu mbi një muaj. Pra ne po e dimë se ku po i kemi problemet edhe me auditorët, tash ne jemi në prag të fazës dyte intensivë të auditimit për vitin 2019. Unë besoj që ka me mbete prape kjo e zjarrfikëseve edhe skanë qare pa e shkrua ata aty, te azhurnimi i të dhënave, të marrëveshjet për shërbime të veçanta prape i kemi sqaruar edhe ato prandaj e kemi shkruar i zbatuar e jo i zbatueshëm, pjesërisht i zbatuar sepse ne kemi rekomandim edhe për obligimet kontraktuale për shkak se nuk po kemi pare edhe s'po mundemi me i zbatua edhe prandaj e kemi bërë pjesërisht. Unë po mendoj që mirë që po diskutohet por këto të gjetura, këto rekomandime janë zbatuar edhe ai raport edhe pse ka kaluar ne kuvendë pra ajo zyre kombëtare na ka konsiderua me opinion Rahovecin të pamodifikuar edhe ne kemi fituar grand. Pra nuk e kanë cenua opinionin e auditorit, unë jam kundër këtyre të gjeturave dhe është mirë me pas këso të gjetura edhe këso rekomandime por uroj që në këtë vite të jemi më mirë edhe unë besoj që do të jemi më mirë por se si kemi me qenë prape auditori ka me na tregua për vitin 2019.

Rasim Fazliu – Faleminderit kryesues, kolegët i ceken disa çështje, është e vërtetë se ne raportin e Auditorit të Përgjithshëm e kemi shqyrtuar në vitin 2019 d.m.th. raportin për vitin 2018 pra janë dhënë rekomandimet në raport të auditimit, ju tash e keni shikuar sa janë zbatuar dhe sa nuk janë zbatuar dhe shumë në rregull është ajo punë por desha me cekë çështjen A9 lëshimet aritmetikore në paramasat e kontraktuara. Unë dua të them kështu që Zyra e Prokurimit po flasim tani për të ardhmen sepse kjo tani ka shkuar dhe nuk mundemi me kthyer prapa por po flasim për vitet që jemi edhe në vijim, nuk guxon me bo gabime aritmetikore për shkak se i dëmton ata që marrin pjesë në konkurrim pra në tenderë dhe unë e di që shpesh gabimet bëhen të qëllimshme prandaj është ajo zyre aty për me i kontrollua se në qoftes Rasim Fazliu ka bërë gabimisht ose me qellim për me fitua tenderin, ajo këtë punë e ka për me korrigjua d.m.th. krejt kjo shkon në funksion të asaj që me bisedua me të gjitha këto zyre edhe me zbatua ligjin si duhet edhe mos me lejua gabime aritmetikore. Ju faleminderit.

Kryesuesi – Faleminderit z.Fazliu, atëherë edhe me që nuk kemi tjerë të lajmëruar për pikën e gjashtë, kalojmë në pikën e shtatë të rendit të ditës:

7. Shqyrtimi i Raportit të punës së Kryetarit të Komunës për vitin 2019.

Kryetari – E keni përpara raportin, nuk ka shifra financiare, nuk ka të bëj me çështje shume profesionale për shkak se i ka financat, ka të bëj me realizime, ngecje, sfida, prioritete që në një mënyre po tjetrën jemi përpjekur prej Kryetarit edhe nga zyra e kryetarit me të gjitha njësitë që i ka, drejtoritë me raportua, thjesht me sjellë informacion si Kuvendë i Komunës për të gjitha ato që në thelb kanë ndodhur për një periudhë kohore Janar 2019 Dhjetor 2020 .Raporti që është i hapur për diskutim që po ashtu është edhe publikë pra edhe ky raport është publik, ne qoftë se ju keni diçka për të thënë mund ta thuani tani, e keni përpara materialin krejt edhe është publikuar gati ë një muaj.

Rasim Fazliu – Faleminderit Kryesues, e falënderoj kryetarin për prezantimin e të dhënave për vitin 2019 për këtë raport e të gjitha drejtorive edhe gjitha kabinetete tjera. Pyetja ime është konkrete, me që kaluan disa kohë prej qeverisjes suaj që është, e kemi fjalën për repartin e dializës, kur mendoni se mundeni me shti në funksion atë dhe qytetaret me i marr shërbimet këtu afër pra në vendin e vet në Rahovec, kjo është pyetja e parë edhe në raport nuk është e cekur ashtu mirë dhe pyetja tjetër desha me thanë se a keni bërë plane që ndoshta kjo është për pikën tjetër të rendit të ditës, pra për çështjen e mbeturinave që me marr komuna mbi vete menaxhimin e mbeturinave, në mënyrë që me i rritë të hyrat vetanake edhe me përfitua komuna edhe me përfitua qytetaret për këtë punë, këto dy çështje i kisha adresua unë. Faleminderit

Kryetari – Reparti i hemodializes është nder iniciativat me te mira dhe veprimet me te mira që ka mundur me bo komuna në këtë aspekt pra në këtë fushëveprimtari, për shkak se numri i pacienteve që kanë nevojë për trajtimin më afër me marr shërbimin po rritet pra nuk është që po zvogëlohet, besoj që investimi ka ndodhur ju

e dini, pajisjet me moderne janë aty, në kemi vazhduar një komunikim nga qeveria e kaluar, kemi vazhduar me drejtorinë e spitalit rajonal të Prizrenit, kemi shkua edhe me tutje me shefin e SHSUK-së drejtorin Basri Sejdiu dhe fillimisht ne kemi parë se diçka duhet të ndodhë shpejt, edhe unë vet kam besuar që po ashtu edhe drejtori ka besuar po ashtu edhe plot qytetare. Ne na kanë dhanë rekomandime se çfarë kushte teknike duhet me plotsue, i kemi bërë edhe disa mjete çka i kanë kërkuar ata për nevojat e veta po ashtu kemi shtie edhe buxhete shtesë për me i lypë disa gjëra krejt të vogla por të domosdoshme për me u kon i gatshëm për funksionim. Ndërkohe ka lindur problemi, kohëve të fundit ose ne vitin 2019 se spitali rajonal i Prizrenit nuk guxon me marr përsipër pa një njësi satelite të transfuzionit të gjakut. Ne ju kemi adresua me shkresë edhe spitalit edhe SHSUK-së që me na prue një njësi satelite të transfuzionit të gjakut, pra per neve ai ishte hapur qysh moti për Rahovec mirëpo ata që kanë përgjegjësinë me bo, nuk guxojnë tash njesin e transfuzionit të gjakut qoftë satelite pra kalimtare me hap repartin e hemodializes. Prandaj e kemi qitë synim tash se kur të vini të plani i punës sepse ata neve na kanë premtua se diçka do të bëjmë edhe po presim tash përgjigje decitive edhe me shkrim, se SHSUK-ja apo Enti i transfuzionit kombëtar i gjakut duhet me vendos për një njësi satelite ne Rahovec. Pra nuk guxon me u hap sipas ekspertizës tyre apo qëndrimeve tyre nuk guxon të hapet hemodializa pa u sigurua se gjaku është afër pra vetëm këtu ka ngelur, asnjë problem tjetër as teknik as të pajisjeve e as të personelit nuk mungon kurrgjë por vetëm transfuzioni i gjakut. Premtimet janë kon pozitive sepse drejtorja e spitalit rajonal na kanë than se ata duhet me u pajtua se duhet me prua qoftë edhe një përgjegjës të transfuzionit të gjakut me ato pajisjet e veta ndoshta ndonjë teknik mundemi gjet ndonjë zgjidhje prej spitalit të Prizrenit por duhet patjetër me u kon njësi satelite e transfuzionit të gjakut. me u miratua dhe ne atë moment kur ne e kemi përgjigjen konkrete për këtë punë, ata bashke me ne dhe ju e hapin vetë dhe e marrin përgjegjësinë vetë. Pra kjo është e gjitha, po të ishte drejtori i pranishëm ndoshta e kish shpjegua edhe ndonjë detaje tjetër se ka edhe komunikime me letra sepse i kam nënshkrua edhe vetë po ashtu ka edhe drejtori që i ka nënshkrua, tash ka ngelur te transfuzioni i gjakut. Te çështja e mbeturinave, Komuna jonë ka dy kompani që merren me grumbullimin e mbeturinave edhe që i dërgojnë në basenin e mbeturinave në Landovicë, njëra kompani është publike apo me vetëfinancim „Ekoregjioni ose Ambienti,,dhe një kompani është private për momentin që mundet të bëhet edhe ndonjë tjetër „Ekodrinia,, që natyrisht operon sipas një pëlqimi nëpër disa vendbanime. Do të ishte mirë me pas kompani komunale për menaxhimin e mbeturinave edhe unë jam për, po ashtu do të ishte mirë me pas edhe me shume investime edhe ne menaxhim, trajtim, riciklim të cilat nuk i kemi. Unë jam që kjo deponia legale e që është miratuar edhe ne Kuvendë të Komunës me qenë me funksionale, me e mirëmbajtur edhe me u bo edhe ndonjë deponi tjetër legale qoftë edhe e përkohshme për shkak se kemi telashe edhe me inerte shumë, për shkak se nuk i bien ai prej Krushes Madhe apo Celines ne Drenovc e as ai në Kramovik apo në Opterushë që janë pak me larg. Do të ishte mirë me gjete një mekanizëm ligjor me sjellë në Kuvend të Komunës në bazë të një ekspertize dhe me bo njëfarë projekti ku mundemi ne se paku edhe përkohësisht inertet me i bartë. Ne kemi inerte përgjatë lumit Drini i Bardhë po ashtu edhe përgjatë rrugëve të asfaltuara sigurisht që me pak se ne te kaluarën, sigurisht edhe për shkak të gjobave mandatorë, por mbeturina edhe amvisërisë fatkeqësisht kemi edhe ne po hargjojmë buxhete here me aksione vullnetare edhe po hargjojmë buxhete per ti larguar ato nga vendet jo të duhura edhe që po bëhen edhe deponi të egra e sidomos ku janë vendet më të thella sikur Drini i Bardh që u bë një vend për të ardhur keq. Sikur të kishim mundësi ne me bo një projekte ku i kishim bërë disa deponi çdo 5 apo 6 km edhe pastaj ne me i orientua pastaj edhe bizneset individuale por edhe ato familjare me i orientua ne pozicione te caktuara që me i derdhe mbeturinat sidomos inertet, se për këto që janë të amvisërisë këto kanë një zgjidhje tjetër, për shkak se shkojnë njëherë përnjëherë ne deponim në Landovicë po ashtu edhe unë jam i pajtimit me gjete ndonjë vend sepse ka edhe donator pra ka të interesuar por nuk është se jam shumë i kënaqur me Ekoregjionin, për shkak se ata e kryejnë punën e vet por inspektoret tanë që as ata dh askush s’po munden me ndalë ende derdhjen e mbeturinave vend

e pa vend edhe pse kemi shpesh veprime për me i largua këto deponi por prapë po përsëriten, edhe pse gjoba mandatorë po japim bukur shpesh, ne ende s'kemi mbërri me thanë që ky vend është pa mbeturina, sigurisht që ka me pak mbeturina, ka me shume frikë nga përgjegjësia e atyre që hedhin mbeturina por përsëri ka mbeturina çdo kundë, edhe pse e kemi fitua grandin e performances për mjedise, pra janë largua deponitë e egra por përsëri kjo deponia për Drenovc një dit para vitit të ri e kemi pastruar dhe larguar mirëpo përsëri kanë fillua me hedhë në atë vende. Tash unë s'po e akuzoj askënd sepse për të vepruar duhet një veprim me efikas sepse edhe policia ka drejtë me shqiptua gjoba mandatorë sipas udhëzimit të ri por unë s'po mundem me than asgjë por e di që në fokus dhe në prioritet të lartë është sa me pak me pas mbeturina e mundësisht e hiq mbeturina në këtë vende.

Dervish Çadraku – Faleminderit kryesues, unë kisha një pyetje për kryetarin, megjithatë ky plan i punës është mjaft ambicioz dhe po me intereson tash për ju kryetar se çka do të bëni tash pasi është licencuar çështja e Parkut pasi ne i kemi ndarë vetëm 10,000 euro, cilat do të jenë veprimet tuaja pra angazhimet e tuaja për me aftësua atë në shkallë të aftësisë për me vepruar apo për me ju dhanë në dispozicion bizneseve sepse unë e pash edhe planin e punës që është ne rend te ditës.

Fehmi Cena – Unë mendoj se pari që edhe kjo pikë është një pikë me rëndësi e rendit të ditës pra raporti i punës së qeverisë lokale të vitit të kaluar edhe unë po mendoj që megjithatë delegatët i inkurajojë që të kyqen në diskutim sepse nëse ne edhe nëse kritikojmë diçka rreth asaj çka nuk është punuar, asgjë të keqe nuk ka por vetëm se ndikon pozitivisht te qeverisja lokale. Ajo çka është bërë mirë nuk ka diskutim se është mirë mirëpo sigurisht se nuk është qeveri perfektë dhe diçka nuk është bërë mirë. Edhe pse unë pajtohem që ky raport është kështu voluminoz edhe nuk është lehtë për ne kështu kur marrim me diskutua pra është voluminoz për shkak se është gjithëpërfshirës pasi keni përfshirë gjitha drejtoritë pra është forma tre mujore e kemi vërejt se keni prezantuar ndoshta u deshtë pak me thjeshtësuar jo në formën tre mujore ashtu gjerë e gjatë por pak me shkurtua vjetore sepse në këtë mënyrë kur përsëriten tre mujoret do të përsëriten edhe disa gjëra të njëjta brenda raportit. Pastaj në raport duhet të ketë edhe ato që nuk është punuar do të thotë karshi planifikimit që është bërë duhet të shprehen edhe ato që nuk janë bërë edhe jepen arsye time pse nuk janë bërë, ne i kuptojmë besoj. Unë isha ndal pak te shëndetësia tek disa çështje si p.sh. projekti Caritas Kosova është një projekt shume i mirë, ne e kemi përkrahur edhe pse është goxha i kushtueshëm mirëpo është në interes të qytetareve, por unë mendoj që me një organizim më të mirë ky projekt do të i shërbente qytetareve edhe më mirë. Ekipa që duhet të formohet nga këta punëtorë, se gjithsej janë 48 punëtorë shëndetësor, që mund të formohet një ekip që do të jetë aktive dhe në mënyrë permanente në terenë, në dy ndërrime po ashtu edhe një autoambulancë me pas në dispozicion. Në fillim është punuar në këtë mënyrë por pastaj diçka sikur është ndërprerë, pjesërisht është punuar kështu që ne jemi detyruar psh si mjekë që punojmë aty pastaj përsëri me dal në terrene me marr një autoambulancë e cila është si emergjencë e kështu me radhë. Pra ka vende për një organizim pak me të mirë. Këto dy qendrat e mjekësisë familjare për ndërrimin e dytë që është hapur në Krushe të Madhe dhe ne Ratkoc në rregull është, mirëpo unë mendoj se ka nevojë të bëhet një sensibilizim më i mirë i qytetareve, në mënyrë që pacientet e atyre rretheve me krye vizita shëndetësore në ato QMF-të sepse prapë kemi dyndjen e madhe të pacieneteve që vinë këtu ne Rahovec. Po ashtu ceket se ne te gjitha shkollat e komunës se Rahovecit janë mbajtur ligjërata për vetëdijesimin e popullatës kundër pickimit të rriqrave mirëpo komuna jonë ka nevojë edhe për ligjërata tjera me qellim të vetëdijesimit dhe kjo ndikon në shëndetësinë publike që ka nevojë ligjërata të mbahen edhe për duhan, alkool, për drogë sidomos me te rinjtë të punohet pak më shumë. Këto shërbimet që janë hapur specialisti i biokimisë klinike për laborator, ultrasonisë është diçka shumë mirë që janë aty mirëpo shërbimet ata mund t'i kryejnë nëse pajisen me pajisje medicinale p.sh. një ultrasoniegraf, një EHO që e kam cekur edhe me herët se është më se e nevojshme që QKMF-ja me i pas, në mënyrë që doktori i Rendgenit me krye punën tamam si duhet, me e shfrytëzuar më tepër edhe për këtë edhe është. Pastaj këtu

thotë që janë subvencionuar OJQ-të që kanë veprimtari sociale me shumë po më intereson këto me veprimtari shëndetësore, sa janë subvencionuar, sa bashkëpunojnë me shëndetësinë që është Handikosi, Ofamkosi, ne kur i kemi mbajtur në degjimet publike ata kanë prezantua dhe kanë kërkuar që të keni bashkëpunim më të madhe me shëndetësinë edhe ta kemi përkrahjen më të madhe prej komunës, nuk e di sa është ky bashkëpunim edhe kisha dashur dikush me u përgjigj në këtë drejtim. Rreth vaksinimit është bërë furnizimi me vaksina kundër gripit sezonal, vërejtja ime është sepse sivjet vaksinat kanë ardhur me vonesë pra kanë ardh në fund të nëntorit apo fillim të dhjetorit e që sot kemi vaksina aty që nuk mundemi me i përdorë për arsye se tash veç gripi ka fillua. Nuk e fajësoj drejtorinë komunale të shëndetësisë, fajtor për këtë është Ministria e Shëndetësisë e cila i ka dërgua me vonesë mirëpo unë mendoj se drejtori ka lidhje me Ministrinë dhe duhet tui jap një vërejtje atyre që herëve tjera furnizimi të bëhet me kohë pra furnizimi të bëhet në shtator eventualisht në fillim të tetorit. Tek DDD-ja nuk është realizua vitin që shkoj, pyetja ime është pse nuk është realizua sepse mendoj se ky është një projekt i rëndësishëm duke qenë se Rahoveci pra Komuna jonë hynë në grupin e komunave endemike sa i përket rriqrave dhe ne jemi të rrezikuar prej tyre dhe duhet patjetër DDD-ja me u krye brenda çdo viti në komunën tonë. Për repartin e Hemodializes ju e dhatë sqarimin, unë plotësisht e kam të qartë këtë çështje pra ashtu është siç keni thanë ju mirëpo nuk pashë asnjë fjalë rreth konceptit të mjekësisë familjare në kuadër të raportit. Ne jemi Kujdesi Parësor dhe Kujdesi i Mjekësisë Familjare duhet ta gjejë veten për çdo vit dhe duhet të bëhet planifikimi i specialisteve për Mjekësi Familjare. Drejtoria komunale duhet me bo plan që çdo vite me dërgua dikënd në specializim pastaj punojmë në zoonime që pacientët të orientohen në rrethinën e vet, nëse ka kërkuar Krusha e Madhe me pas ndërrimin e dytë në vendin e tyre atëherë duhet me shkua edhe me u vizitua aty e jo me ardhë në Rahovec. Pak me herët e përmendet SISH-in duhet të punohet pak me tepër por sa me shpejtë SISH-i duhet të aktivizohet do të thotë sistemi i informimit shëndetësor forma elektronike. Po ashtu prapë po e përmendi komisionin mjekësor për patentë shofer, certifikata për patentë shofer ka mundësi me u bo edhe duhet të punohet në këtë drejtim pasi nuk është bërë, ka nevojë për furnizim me te mirë me pajisje medicinale për mjekë, më reagenca për laboratorë, kemi pasur raste që tash në dy javët e fundit të vitit të kaluar edhe dy javët e para të këtij muaji nuk ka pasur fare reagenca dhe analiza nuk janë bërë fare ne laboratorë, kështu që laboratori nuk e ka krye punën e vet, punëtorët kanë nejt aty kanë marr rroga. E kam cekur edhe me herët që pacientë me probleme të shëndetit mendor, kam kërkuar që të bëhet furnizimi i tyre me ilaçe sepse këta janë një kategori e veçantë e qytetareve. Gjatë vitit 2019 nuk janë siguruar barnat për këtë kategori, ata janë të detyruar në mënyrë të vazhdueshme me marr ilaçe dhe unë kisha kërkuar që për këtë vite të zgjidhet ky problem. Ne drejtorinë për Kulturë, ka premtuar një teatër amator të qytetit, nuk e di a është punuar diçka në këtë drejtim sepse Rahoveci ka nevojë edhe si komunë edhe si qytet edhe kemi folur gjithashtu për formimin e një komisioni i cili do të bën evidentimin e të gjitha objekteve të trashëgimisë kulturore dhe historike, këtu nuk ka shënime që është bërë diçka e tillë, drejtoresha na ka prezantuar vitin që shkoj një liste me projekte, lista e vjetër është dhe aty ka pasur projekte që tani nuk janë edhe shume të tjera që nuk janë evidentuara. Unë kam kërkuar që të evidentohen ato projekte të gjitha ne nivele të Komunës, nuk e di se çka ka bërë drejtoria në këtë drejtim. Faleminderit

Kryetari – Zona ekonomike është lajmë i mirë që është licencuar, pardje është nënshkruar nga Ministri Shala licencimi i zonës ekonomike që është një vepër e nisur kaheerë pra një përpjekje e të gjithëve, shqyrr që u finalizua se kemi pasur vështirësi të mëdha deri në finalizim, pasi kishte shume dokumentacione, vendime ,projekte dhe krejt jemi bërë gati, tash kemi fillua me planifikua edhe mjete financiare për me dëshmuar se edhe ne jemi të interesuar me funksionalizue dhe me aftësua edhe me ardhë bizneset e interesuara sipas procedurave që fitojnë të drejtën me ardh me u vendosë aty. Në këtë vite ne e mbyllim kontratën për rrethimin e zonës ndërsaq neve për licencim na u është kërkuar plani financiar se sa kushton zona, çka bën komuna, çka do t bën KJES-a agjencioni pra Ministria dhe donatoret potencial që janë të jashtëm që zakonisht i financojnë

parqet industriale. Plani jonë financiar për krejt vlera e zonës kushton 2 780 000 euro ndërsa ne marrim pjesë me 150 000 euro si Komunë. Ne po shpresojmë që veçse jemi dakordua edhe me Ministrinë atje ,e bëjmë një kërkesë te Kiesa që është agjencion i posaçëm për këtë punë, po shpresojmë që Kuvendi i ri Republikës së Kosovës, Komisioni për Buxhete që tash nuk mundet me u futë ne projektbuxhetin edhe pse nuk është aprovuar. Komisioni për buxhete ka me aprovua kërkesën e Rahovecit për parkun industrial me ndaje një vlerë të mjeteve financiare që ndihmon në funksionalizimin, pasi ne tash fokusin me të madhe e kemi pasi veç i kemi tejkalua këto aspekte ligjore. Presim me u lajmërua bizneset, sivjet do të ketë prapë aktivitete tjera edhe mos me na ndihmua kush, ne si komunë diçka do të bëjmë që ndoshta edhe me u vendos bizneset e para sipas kërkesave që mund ti kenë edhe natyrisht edhe sipas procedurave që do të zhvillohen këtu. Pra lajmi për licencimin e zonës është lajm i mirë edhe besoj që tash se paku mundem me thanë që legalisht i kemi rreth 35 hektarë edhe pse infrastruktura krejt nuk është rregulluar por tash e kemi të drejtën me hie edhe ne veprime tjera investive bashke me Ministrinë e tregtisë edhe me donatoret. DDD-ja(Deratizim,Dezisektim,Dezinfektim) ka dështuar për vitin 2019 për shkak se lënda ka kalua në organin shqyrtues të prokurimit publik dhe ka ngelur atje pra nuk është zhvilluar projekti, procedurat te ne janë krye, dikush u ankua pa shkua atje dhe tash po presim sivjet me implementue d.m.th. OSHP-ja kur e merr ata e dinë me mirë punën e vet sepse na asnjë lloj fuqie nuk e kemi sepse gjykata e tenderëve ne republikën e Kosovës sipas ligjit, po besoj që ata që janë me te informuar e dinë çka është d.m.th. projekti ka dështuar pra ska ndodhur prandaj edhe nuk e kemi përmend. Sivjet duhet me ndodh sepse ne kemi obligim me bo atë punë. OJQ-të shëndetësore, nuk ka OJQ që funksionon ne Rahovec edhe që është e funksionalizuar edhe që i ka letrat e që ka aplikuar e që nuk i kemi ndihmuar edhe shëndetësore edhe sociale. Vetëm një OJQ-je shëndetësore nuk i kemi ndihmuar, që është Ofakos për shkak se ka pasur probleme me dokumente, te gjithëve te tjera që kanë aplikuar me shume apo me pak dhe tash sa funksionon marrëdhënia me QKMF-në ajo është e vërtete që pajtohem plotësisht me Fehmi Cenen që duhet me u adresua se ky shqetësim sepse duhet me pas një marrëdhënie me te mirë pra një raporte partneriteti dhe te qëndrueshëm sepse për qatë punë i marrin ata qeto mjete edhe i zbatojnë do programe që gjithsesi ndikon në rritjen e kualitetit të shërbimeve të qendrës kryesore te mjekësisë familjare .OJQ-te sociale i kemi ndihmuar të gjitha, që ka disa edhe e ne ju kemi ndihmuar. Caritas Kosova pajtohem plotësisht që çdo kush kur e ka startin ka energji me shume që edhe Caritasi me gjasë ka marr punë në gjithë Kosovën tash dhe na duhet me qenë me kërkuar me bo ata planifikim me te mirë e veprim ma të sinkronizuar edhe kualiteti i kësaj veprimtarie që e banë Caritas Kosova ne harmoni me komunën me QKMF-në me u kon edhe i nivelit me te lartë. Edhe unë sivjet ka me kërkuar me rritë intensitetin e veprimeve të tyre edhe me qenë me te organizuar veprimet e tyre. Pra mu adresua nga kjo pikëpamje koncepti i mjekësisë familjare që unë pajtohem që veç mjekësi familjare kemi këtu edhe po përpiqemi me zbatua ndoshta pa e shkrua me zbatua atë çka është e mundshme në kapacitetet tona konceptin e mjekësisë familjare bile me i avancue nga ndërrimet e dyta në ndërrime të treta në dy qendrat të mëdha në dy qendrat e mjekësisë familjare në Ratkoc dhe ne Krushë të Madhe ndërsa QMF-të në Drenoc e Opterushë unë vet e kam potencuar publikisht por ne ende kemi nevojë për personel edhe doktor Fehmia e din se kemi nevojë për shtimin e personelit mjekësor, shtimin e stomatologeve po ashtu edhe të infermiereve në mënyre që me funksionue ndërrimet e treta në ato dy qendrat që janë ndërrimet e dyta ndërsa me u hapë ndërrimet e dyta edhe në Opterush,Drenoc,Çifllak dhe Fortesë. Furnizimet me pajisje, që është e vërtet se një pjesë e obligimeve i kryen komuna, me pajisje me reagenca por pjesën me te madhe zakonisht e kryen Ministria dhe kjo traditë mendoj që nëse ka buxhete komuna ndoshta duhet me shtua kapacitetin e veprimeve, me shume furnizime për qendrën kryesore të mjekësisë familjare. Te Teatri amator i qytetit, në teatër ligjërish nuk kemi mundur me bo, unë jam zotua se duhet me bo, ka disa procedura ligjore që duhet me i përfill, duhet me pas vendim të kuvendit të Komunës, duhet me ua adresua kjo çështje në Ministrinë e Kulturës, Rinise dhe Sportit,

duhet me u ndaje buxhete prej Komunës se Rahovecit, duhet me u buxhetua për me tu lejua me bo shtimin e numrit të punëtorëve për teatër d.m.th. ne kemi bërë veprime që i ngjajnë tetarit mirëpo juridikisht nuk kemi mbërri me themelua ende teatër amator të qytetit. Përpjekja jonë për me bo teatrin ka me vazhdua edhe pse disa shfaqje teatrale kanë ndodhur dhe ne me SHL-Kosova dhe me disa artistë të Rahovecit jemi munduar me bo diçka pasi janë disa shfaqje por për teatër ka disa procedura që duhet të kryhen për me bo teatër profesional ose teatër të qytetit profesional apo amatorë. Pra ka shumë procedura që duhet të rregullohen, pasi nuk jemi Prizreni, Gjakova apo Gjiłani që kanë një traditë të hershme por jemi Rahoveci që mirë është me pasë edhe duhet me luftua me bo. Edhe të ligjërata antidrogë, të ligjëratat për edukim në përgjithësi ka disa programe që aplikohen në shkolla, në qendrën kryesore të mjekësisë familjare, unë e kam pae njëherë Basri Lenjanin që ka mbajtur ligjëratë këtu në Hotel Park pra ato veprime edhe ju si QKMF duhet me i bo si profesionistë edhe ne duhet me ju ndihmua me ndonjë aktivitet edhe me i ftua edhe të tjerët të cilët munden me kontribuu në këtë drejtim, neper shkolla aplikohen programe me Policinë në komunitet që janë programe antidrogë, kundër dukurive negative që zakonisht Policia i organizojnë me OJQ-të që vazhdojnë të bëjnë edhe sot, natyrisht unë pajtohem se duhet të rritet intensiteti i ligjërimit në funksion të edukimit, ndërgjegjësimit, sqarimit njerëzve për kërcënimet që munden me ju ardhë fëmijëve tanë, nxënësve, shkollave tona thjesht qytetareve në përgjithësi. Ne mundem me fol edhe për plotë tema tjera, raporti jam i vetëdijshëm se ka edhe të metat e veta që është i zgjeruar, pse është ndarë nëpër etapa tre mujore për shkak mu kon ma konkrete dhe jo për diçka me shumë që është e vërtet se ka marr me shume faqe sepse ska sektor që nuk është përfshije dhe po ashtu është e vërtetë që kemi prezent edhe Azizin këtu pasi ja 3 apo 4 faqe ja kam hequr prej raportit, secili e ka tash raportin e zgjeruar pra secili organ dhe secila drejtori, pra ne kemi hequr shumë për me bo pak me të thjesht edhe me te shkurtë raportin. Ne do të ju raportojmë edhe në periudhën gjashtë mujore edhe raporti financiar do të raportohet çdo 3 muaj sipas ligjit, pasqyrat financiare po ashtu jemi transparent për këtë edhe besoj që komuna ma transparente do të jemi në republikën e Kosovës do të shpallemi edhe për shkak të raportimit, nuk po dua me ja bo qefin vetës por kur n dëgjojmë lajme të mira duhet të jemi të kënaqur të gjithë.

Kryesuesi – Faleminderit shume kryetar, atëherë meqë nuk kemi tjerë të lajmëruar për pikën e shtatë, kalojmë në pikën e tetë të rendit të ditës:

8. Shqyrtimi i Planit të punës së Kryetarit të Komunës dhe qeverisë komunale për vitin 2020. Edhe për këtë pikë raporti i Kryetarit është i njëjtë atëherë kalojmë në pikën e nëntë të rendit të ditës:

9. Shqyrtimi dhe aprovimi i vendimit për dhënien e pëlqimit për këmbimin e pronës komunale me pronën private.

Afrimi Oruqi – Faleminderit kryesues, i nderuar kryetar, nënkryetar, drejtorë dhe ju anëtare të kuvendit. Para jush, keni vendimin për këmbimin e pronës komunale me pronë private në zonë kadastrale në Xërxë, bëhet fjalë për parcelën me numër 00558 që është pronë shtetërore me sipërfaqe të përgjithshme mbi 10 ari, prej kësaj parcele fillimisht kërkojë ndjesë për një gabim teknik në propozim vendim po ashtu kërkoj edhe prej sekretariatit të Komunës që këtë gabim teknik pra lëshim ta përmisojë pas vendimit të juaj në qoftë se ju vendosni për me vazhdua këtë dhe para se me dërgua ne Ministrinë e MAPL-së për ligjshmëri, bëhet fjalë për 163m² dhe jo për 191m², pra kërkoj edhe prej sekretariatit që pas miratimit të kësaj pike të përmirësohet ky gabim para se te dërgohet për ligjshmëri në MAPL pra bëhet fjalë për 163m², që i merret pjesës publike shtetërore dhe i jepet në bashkëpronësi Bashkim-Lulzim dhe Shpejtim Sinani ndërsa prej parcelës private e cila është në bashkëpronësi të Bashkim Sinanit dhe Shpend Sinanit të merret sipërfaqja në të njëjtën sipërfaqe prej pjesës së përgjithshme prej 163m². Qellimi i këtij këmbimi është hapja e rrugës publike e cila për momentin faktikisht atje në terrene është e kalueshme. Ftoje anëtarët e kuvendit që pas shqyrtimit të aprovojnë vendimin për këmbimin e pronës komunale me pronë private. Faleminderit

Kryesuesi – Faleminderit drejtor, edhe unë jam për atë që sekretaria normal që para se me bo përmirësimin me kërkesën e drejtorit. Faleminderit shume, e qesim në votim pikën e nëntë të rendit të ditës. Konstatoj se unanimisht aprovohet pika e nëntë e rendit të ditës. Kalojmë në pikën e dhjetë të rendit të ditës:

10. Shqyrtimi dhe aprovimi i Propozim vendimit për shpalljen me interes të përgjithshëm publik për ndërtimin e Sheshit qendrorë të qytetit në Rahovec.

Afrim Oruqi – Faleminderit kryesues, behet fjalë për tri parcela që gjenden në zonën kadastrale në Rahovec. Sa i përket projektit për ndërtimin e sheshit qendror, ky projekt në të ardhmen ka me përfshije me shumë se tri parcela që janë mbi 8 parcela. Qëllimi i këtij vendimi për interes të përgjithshëm sepse pikërisht në këto tri parcela janë tri ish ndërmarrje publike e cila njëra ka qenë Podrima pra zyrat e Podrimës që është hoteli Plaza. Këto objekte, ne si institucion i kemi në fletë poseduese pasi këto janë pronat tona pra të komunës se Rahovecit mirëpo këto objekte pra ish ndërmarrje i kanë në listat e veta si asete, ata pretendojnë në objekte dhe jo në pronë dhe përderisa pretendimi i tyre është edhe në gjykatë ne nuk kemi mundur me prua këtë pikë para vitit 2019 sepse lënda është prej vitit 2014 në gjykatë për arsye se ligji për këmbim dhe për shpronësim ka ndryshua në vitin e kaluar dhe i ka jap disa kompetenca shtesë pra të drejta shtesë kryetarëve të komunave dhe ne i kemi marrë hiq me lagë se para dy ditëve edhe një njoftim prej AKK-së (Agjencioni të asociacionit të komunave të Kosovës) ku i kanë kërkuar kryetarëve të komunave ato prona ku janë në interesin e juaj që sipas ligjit fillimisht duhet me i shpallë me interes të përgjithshëm pastaj në qoftëse ne nuk e dimë se qysh donë me vendos gjykata me këto prona dhe nëse ata marrin vendim në favore të AKP-së atëherë AKP-ja i qet në likuidim mirëpo ne po dojmë që me qenë të gatshëm me planin B në tavolinë, ne qoftë se ata i fitojnë në gjykatë, në hyjmë edhe i blejmë me 20% këto objekte që mos me na i ble të tjerët edhe me ndertue shtëpi private e me jetua ne ato shtëpi, e na me i shfrytëzua me interes të përgjithshëm pra ky është qëllimi, për ndryshe parcela që ka me përfshije ky projekte janë mbi 8 parcela. Ftoje kuvendarët që pas shqyrtimit të aprovojnë propozim vendimin për shpalljen me interes të përgjithshëm. Faleminderit

Fehmi Hoxha – Faleminderit shume, para se me u kyqë në diskutim vetëm kam një pyetje apo është bërë ndonjë gabim teknik dhe po dua një sqarim. Këtu ne materialin që kemi marrë ne në email pos këtyre tri parcelave që i tha edhe drejtori edhe që e falënderoj, është edhe një numër tjetër 70482793 në material, gjë që nuk përfshihet fare në vendim dhe pyetja tjetër është parcela 71510057 që është e para në propozim vendim 013150 thuhet vendi i quajtur Bavan- Ravan, si mundet me u kon Ravan kur këto të dyja janë në qytete do të thotë 01318/1 qytetë 01318/2 qytetë dhe 01315 Bavan-Ravan, a mos është ndonjë gabim atje që është bërë tek gjeodezia dhe kadastra si emërtim po e them kështu që para marrjes se vendimit këto duhet të jenë shumë precize, po ashtu e kemi dokument këndeje që kemi marrë edhe atë tjetrën që thash në fund 793 që është gabim po besoj. A ke mundësi drejtor aty e ke ortofoton me na tregua se cilat janë ato parcela këto tria edhe ku oshtë kjo 793.

Afrim Oruqi – Bëhet fjalë për tri parcela, kërkoj ndjesë pasi unë në dokumente e kam në rregull, po i përsërisë numrat që të regjistrohet në sekretariat, behet fjalë për parcelën 013150, bëhet fjalë për parcelën 01318/1 edhe bëhet fjalë për parcelën 01318/2 pra për këto 3 parcela ndërsa sa i përket pyetjes bëhet fjalë pikërisht për parcelën ku janë kon ish zyrat e ndërmarrjes Podrima ku tash operojnë një biznes privat i quajtur Hardhia pra bëhet fjalë për atë objekte pastaj bëhet fjalë për oborrin e Hotel Plazes që janë të ndara këto parcela d.m.th. ku është terrasa e hotelit edhe bëhet fjalë për objektin ku është hotel Plaza pra këto janë 3 parcela, ejo për parkingun e veturave edhe ajo është pjesë e komunës pasi janë të gjitha afër njëra tjetrës ndërsa sa i përket sipas librave kadastral kjo parcelë në atë kohë është quajtur hiq më larg para viteve të 50-ta kur është ndërtuar Podrima pasi kjo Ravan është thënje e ish pushtetit pasi ajo është populluar masandej edhe qishtut ka mbetur edhe ne nuk guxojmë me ndryshua pasi në libra kadastral i thonë ashtu edhe pse këtyre dy parcelave tjera i thonë qytete, në nuk guxojmë me i përmisue edhe pse janë në gjuhën serbe, në vetëm i bartim

qysh janë ashtu në libra kadastralë edhe në certifikatën e pronës pra bëhet fjalë për këto 3 parcela.

Faleminderit

Mirjeta Krasniqi – I nderuari kryesues, siç e kuptova unë drejtorin tek kjo pikë bëhet fjalë për tokat parcelat janë fletë poseduese në kuvendin komunal mirëpo problemi qenka tek objektet që kanë qenë ndërmarrje shtetërore, a është ashtu siç e kuptova unë, Hoteli, terasa dhe objekti tjetër. AKP-ja ka mundësi pra të drejtë ligjore pra ato objekte që kanë qenë ndërmarrje shtetërore me i privatizue pra me i likuidua, pra është problemi veç me i ruajte ato objekte apo AKP-ja mundet me i marr edhe parcelën afër hotelit pra që mundeni me i sqarua këto mirë. Faleminderit

Fehmi Cena – Unë kërkoj sqarime nga drejtori në lidhje me këto dy parcela që janë në shfrytëzim, tash çka do të ndodhë me kontratën që ka “Moderne” në shfrytëzim deri në vitin 2029, a cenohet kjo kontratë, ku është interesi i palës pasi ky kuvend pra kjo komunë i ka dhënë në shfrytëzim. Ne tash nëse e përkrahim interesin e përgjithshëm, çka do të ndodhë me kontratën, a do të vazhdon ajo më tutje, cili është qëllimi më tutje se ne jemi të interesuar tek e fundit ajo kontratë nëse mundet me qëndrua ndërkaq me shpallë interes të përgjithshëm për me ruajte pronën komunale. Faleminderit

Rexhep Oruqi – Faleminderit kryesues, ne materialin e kemi përpara, i kemi 3 parcela që duhet me u përfshije në bazë të propozim vendimit dhe sipas gjitha gjasave të 3 parcelat i takojnë hotel Park Plazes gjegjësisht ndërmarrjes Moderne. Duhet me pas edhe për bazë përveç interesit publikë pak a shumë edhe interesin bizneseve private sepse aty janë duke marrë rrogë mbi 20 punëtorë por pikërisht kontratën e ka nënshkruar po ky kryetar z. Smajl Latifi me këtë kompani. Është krejt diçka tjetër pasi aty janë bërë shumë investime, nëse përfshin që ky sheshi i ri i qytetit krejt atë kompleksë ndoshta edhe me shumë siç tha drejtori i gjeodezisë që është faza e dytë që do të shkoj tutje aty do të bëhet një tollovi e madhe edhe të drejtën me ju thanë a ja vlen që pastaj me prishë hotelin që është një objekte relativisht i ri i pajisur mirë edhe qatë hotel e kemi ne në qytete edhe nëse është kjo që thotë kryetari, në po e shpallim interesin e përgjithshëm pikërisht që mos me lejua AKP-në me ndërhyjë. Unë sa e di kontesti është mes Komunës dhe AKP-së ajo pjesa e Podrimës ndërsa këtë pjesën këndej ka hoteli nuk e di që ka pretendua AKP-ja sepse kjo është prone e komunës i gjithi dhe ata nuk mund të ndërhyjnë aty edhe nëse veç qitet në votim e që sigurisht ka me dal, qashtu blanko nuk e votojë, nëse nuk e lejmë një klauzolë që mos me dëmtua shfrytëzuesin aktual të objektit, unë personalisht nuk e votojë pasi në vendim thuhet se kontrata mbetet në fuqi deri përfundim, për ndryshe nuk jam për me dëmtua pasi ne duhet me ndihmua kapak edhe sektorët private pasi ata po na mbajnë, e këtu pikërisht po del se të 3 këto prona bilum edhe katër po del këtu në kontratë pasi ky personi që e ka marrë edhe është 1318 një parcel. 1318/2, 1315 edhe 1816 pra janë 4 parcela i ka kompania Moderne kurse ne i kemi 3 parcela të përfshira pra nëse nuk e përfshin klauzolën që të mos dëmtohet shfrytëzuesi aktualë pasi edhe ne gjykatë do të fitojë nëse vjen puna deri tek tek kontesti me komunën sepse ka investime edhe i ka faturat pra i ka të gjitha gjërat pasi tash me fjalë nuk mundemi me besua asgjë pasi shume here kemi pasur fjalë edhe nuk kanë shkuar ashtu gjërat tash qysh me i besua unë kryetarit se kjo ka me shkua kështu si është. Faleminderit

Kryetari – Faleminderit shume, ne po dojmë me mbrojtë pronën tonë, po shprehem në gjuhen ushtarake nga ndonjë invazion i mundshëm i ndonjë institucioni tjetër ose agjencioni tjetër dhe asgjë me shumë. Në qoftë se hyjmë më thellë, unë ju siguroj edhe informacione të cilat nuk janë fjalë pra mundem me ju thanë se komuna e Rahovecit ju e dini se ka kontratë për shfrytëzim dhe mos e harroni kurrë as unë e as ju që ai është asetë i komunës se Rahovecit, e me dashtë komuna e Rahovecit e kuptohet që për me dashtë komuna e Rahovecit bashke me kuvendin e komunës kur e rrënon edhe hotelin edhe cilindo objekte tjetër pasi ajo është pronë e komunës se Rahovecit dhe unë e di vet se ma shumë me këtë temë se jam marr shume edhe ne mandatin e parë për punën e hotelit. Unë mundem me ju thanë sepse jemi drejtpërdrejt ne radio aktiv se hoteli edhe ata që janë aty në hotel nuk e kanë zbatua planin investiv por kjo nuk do të thotë që ne po dojmë me ndërpre kontratën,

planin investiv qysh e kanë paraparë planin e biznesit nuk e kanë zbatuar edhe me thanë të drejtën ne kemi shumë vërejtje në këtë punë por këtë pikë te rendit të ditës unë kam me qitë në kuvendë edhe kam me formua një komision edhe kemi me shkua se a e ka zbatua planin investiv në bazë të planit të biznesit. Tash unë po ju ftojë juve me aprovua një vendim që me mbrojte pronën e komunës, qe me u konsiderua që është pronë e komunës dhe ne e dimë që është por me u shpallë interes i përgjithshëm për nevoja të veçanta të komunës për shkak se ka pretendime në pronë se AKP-ja ka qitë në privatizim edhe pronat e hotelit jo hotelin por edhe pronat e hotelit pra parkingun, terasa pra tokën dhe kush nuk i beson kësaj hajdeni në zyrën e kryetarit edhe ju jap këto gjëra pasi nuk mundem të i sjellë të gjitha në kuvendë. Baca Rexhë, fjala është me mbrojte pronën dhe kurrkush nuk po donë që me rrënuja hotelin pra ndërtesës pasi është një ndërtesë e mirë dhe ne jemi të vetëdijshëm se biznesi duhet me u mbrojte dhe me u përkrah pavarësisht që jemi të pakënaqur për moszbatim të planit të biznesit, ato do të i shini në kuvend kur komisioni ju sjellë raportin e plotë për të gjitha detajet e zbatimit apo moszbatimit . Nuk jam i interesuar me revokua kontrata edhe pse ky kuvendë kur donë mundet me revokua dhe cilido operatorë kuptohet me arsye por nuk është çështja pasi nuk është ajo temë fare në këtë rast. Problemi ne po dojmë me mbrojte pronën duke e shpallur me vendim të kuvendit yonë me interes të veçantë. Unë po ta dija qysh ka me u dukë ky sheshi qendrorë atëherë u deshtë me u kon edhe shefi që kam nënshkruar memorandum nga UN-Habitati pasi edhe ajo se din se kane me u bo dëgjimet publike dhe plotë gjëra tjera edhe në fund konkurse ndërkombëtar i projektimit pra e keni parasysh se çka po ju them. Unë po kërkoj me aprovua vendimin për me mbrojte pronën tonë, pasurinë tonë, tokën tonë edhe çdo shpjegim që e jep edhe drejtori pasi unë mundem me than me shkua me marr padinë pasi e kam në zyre, çertikaten e plot dokumente tjera edhe me jetë deri vonë ne këtu duke i shqyrtua këto dokumente. Detyra jonë sot para vetit parashtrohet kjo detyre se a do të mbrojmë me vendim të kuvendit komunal tokën tonë. Faleminderit

Fehmi Hoxha – Faleminderit shume kryesues, e kjo është atë çfarë e tha kryetari edhe gjithë e kanë shumë kjo mirëpo prapë po kthehem unë me herët ju thash që është dashtë me marr një vendim për iniciimin e procedurave pasi bazohem se këto 3 parcelat në certifikate shkruan shfrytëzues Moderne pra në çertikatë është emri i Modernes pra në bazë të vendimit që ka sjellë ky kuvendë edhe kontratën që ka lidhë kryetari i autorizuar prej kuvendit pasi kishte të drejtë sepse ishte i autorizuar prej kuvendit. Unë propozoj që të marrim vendim këtu për shpalljen e interesit të përgjithshëm publik, të triat këto parcela sipas propozimit të drejtorit gjeodezisë dhe Kadastrës, ku me vonë do të inkorporohet edhe stadiumi edhe parcela tjera që janë për rreth mirëpo të shpallet interesi i përgjithshëm ku parcela e hotel Park Plazes aktualisht Moderne që po e shfrytëzon pjese përbërëse e sheshit qendror të qytetit, ku të inkorporohet në kuadër të konceptit ideor projekti kryesor në të ardhmen që do të bëhet që Hoteli të jetë pjesë përbërëse e sheshit qendror të qytetit. Pra ne vendim të inkorporohet edhe kjo që hoteli të jetë pjesë përbërëse e sheshit edhe ne kuadër të konceptimit të projektit ideor dhe projektit kryesor. Faleminderit

Afrim Oruqi – Faleminderit kryesues, nuk ka të bëj me sot që po diskutojmë me shesh, ne nuk po bëjmë projektin për sheshe, krejt puna e këtij vendimi për shpalljen me interes të përgjithshëm me i ndihmua avokatit të komunës që me pasur një provë për me argumentua barrën e provës në gjykatë në qoftë se gjykata vendos ndryshe e ne sipas ligjit për këmbim dhe shpronësim po dojmë me pasur të gatshëm në qoftë se gjykata vendos në favor të AKP-së po paragjykoj, në si komunë dojmë me hije me ble me 20% dhe ajo i takon puntorëve, vlerësohet objekti, po shpresoj që nuk vendoset kështu ne jemi në këtë fazë, sa i përket kontratës veç një shembull Biznesi i Hotel Park Plazes e ka me qera edhe parcelën ku është autoparking, e që nuk është sot me këto 3 parcela por ajo parcelë para disa vite u shpallë zone me interes të përgjithshëm dhe ajo është zonë me interes të përgjithshëm dhe ai po e shfrytëzon dhe nuk po bëjmë fjalë sot për punën e biznesit pasi ku me marr me i bo edhe ja dy hotele aty, ne po dojmë veç me i pas gati që në gjykatë me pas provën tonë edhe

me i pas gati për me hie me i ble që mos me na i marr dikush tjetër në çastin kur hynë në likuidim.

Faleminderit

Fehmi Hoxha – Vendimi që sot merret shpallja me interes të përgjithshëm publik pronat për ndërtimin e sheshit qendror të qytetit në Rahovec, nuk banë me than që ne s'po dojmë me ndërtua sheshin, unë po e them që po dojmë me ndërtua sheshin mirëpo në kuadër të këtij vendimi ne po dojmë me ndërtua sheshe mirëpo edhe po dojmë me mbrojte edhe pronën tonë që është e atakuar prej agjencioneve të ndryshme shtetërorë. Pra duhet me prua këtë vendim që e thashë që hoteli të jetë pjesë përbërëse e sheshit të ri që do të ndërtohet ne Rahovec, këto parcelat janë pjesë përbërëse të sheshit, a kështu me shpallë interes të përgjithshme ku kishim pas edhe me madhe edhe si kuvendë edhe si kryetar i komunës, drejtori është deshtë me parape kompletë ato 8 parcela edhe me inkorporua komplet këto janë vetëm në mënyre parciale atëherë mendimi është shume me i fuqishëm se ky sepse tani këtu futemi në lajthitje, përgatitni komplet 8 parcelat edhe po votojmë sheshin edhe ne kuadër të sheshit të jetë pjesë përbërëse edhe hoteli se kurrkush nuk po donë me rrezua hotelin sepse ka shumë investime prandaj ky vendim ose një klauzole apo një pikë të jetë hoteli ekzistues dhe do të jetë pjesë përbërëse e sheshit të ri që do të ndërtohet. Faleminderit

Kryetari – Ne për me marr një vendim të kuvendit komunal për me mbrojte prona duhet me ja vënë emrin se pse po shpallë zonë me interes të përgjithshëm dhe këto i specifikon ligji. Pra përpara ky kuvend i komunës në përbërjet e kaluara ka vendosur për 53 hektarë edhe nuk ja kanë vënë emrin edhe krejt i kanë privatizua. Ne duhet të ja vëmë emrin dhe ne këtë po e quajmë „Ndërtimi i sheshit qendrorë,,po e marr si ilustrim, Hoteli mundet me u rinovua, permisue por me u rrënuar nuk banë sepse ata që marrin pjesë në dëgjime publike me siguri nuk do të lejojnë që mos të preket hoteli pra mundet me u rregullua ky hotele por me u prishë nuk ka nevojë sepse është objekt i ri. Pra konkursi i projektimit nuk shpallet pa i dëgjua disa inxhinierë,qytetarë,shfrytëzuesi që është aty ,punëtorët që marrin aty d.m.th. krejt kanë me u bo dhe aty dhe aty tash ai që edhe udhëheq këtë procese që hoteli te mos preket mirëpo dukesh mundet me than që duhet me rrënuar ky hotel. Tash prapë ai konkursi para me u bo që është në bashkëpunim me komunën, se pari ne i këqyrim kriteret dhe pastaj shpallet, pasi është konkurse ndërkombëtar. Në në vendim nuk mundemi ta specifikojmë se nuk shkruhet në vendim se ne nuk e dimë njëherë se çka ka me ndodhë por vetëm vendimi po na duhet sepse ja kemi vënë emrin për shkak të ligjit që na thotë se duhet patjetër me ja vënë emrin se nuk mund të mbroresh askund sepse nuk guxon me u kon material i thatë p.sh. po me duhen 50 hektar pa e ditur destinimin e tyre, pasi na i kanë marrë pronat Fehmi Hoxha dhe ju e dini mirë se na i kanë marrë krejt gati. Do ditë me vinë njoftime se dolën këto asete apo këto prona per shkak se nuk ju kemi vënë emrat dhe sikur të ja kishim vënë emrin edhe Oltit atje po ju siguroj që kurrë nuk ish privatizua sepse kur ja kemi vënë emrin ishte tepër vonë sepse skemi pasur projekt konkret edhe ajo është privatizua d.m.th. ky proces ka fillua me herët 4-5 cikle të privatizimit deri sa dikush e ka marr, pra unë jam për me ja vënë emrin, tani na ka ardh puna me UN-Habitati me bo një marrëveshje edhe ja kemi vënë emrin sheshi qendrorë e ky sheshi qendrorë ndoshta me së paku ka me qenë sheshe kushtimisht në atë kuptimin, normalisht objektet e mira nuk preken, ato munden me u pasurua por nuk preken, nuk mund të cenohet kontrata me operatorin që e kemi pra me shfrytëzuesin pa ju sjellë juve një informacion se pse ja kemi ndërpre diku kontratën, e për këtë vendos kuvendi i komunës, për shkëputje të kontratës nuk vendos gjykata sepse ne jemi marrë vesh se kur e kemi nënshkruar kontratën, së në qoftes nuk respektohet plani i biznesit ka edhe shkëputje të njëanshme të kontratës por në fund në qoftëse ka konteste vendos gjykata. Nuk është çështja me i marr dikujt që është duke punuar diçka, çështja është me i dhanë komunës se Rahovecit një adutë që po i mungon pra është vendimi i kuvendit të komunës për me mbrojte se Parkingun që është aty i hotel Parkit qe e kemi shpalle ska kush që hin aty sepse kuvendi i komunës ka vendosur pronën e vet me mbrojte me ligje edhe është rregull, e tash ne po kërkojmë edhe këto tjerat me i

mbrojte për shkak se ka pretendime pra pretendimet që i kanë bo ata të tjerët dhe ne dojmë me i mbrojte me vendim të kuvendit kaq po kërkojmë ne tash. Faleminderit

Kryesuesi – Faleminderit kryetar për sqarimet, atëherë besoj që kryetari i dha të gjitha sqarimet që po kërkohej vetëm pjesa mbrojtëse e pronës komunale që e kemi. Te nderuar kuvendarë, e qesim në votim pikën e dhjetë të rendit të ditës. Kalojmë në pikën e njëmbëdhjetë të rendit të ditës:

11. Shqyrtimi i raportit të punës së Këshillit të fshatit Hoçë e Madhe për vitin 2019.

Nazife Hundozi – I nderuar kryesues, raporti i kryetarit të këshillit të fshatit Hoçë e Madhe. Në periudhën kohore nga Janari deri në Dhjetor të vitit 2019 Këshilli i fshatit Hoçë e Madhe ka mbajtur 15 takime nga të cilat shumica janë kryesuar nga kryetari i këshillit të fshatit Hoçë e Madhe nga z.Bojan Pavloviç. Në fillim të vitit është bërë strategjia e punës të këshillit të fshatit Hoçë e Madhe për vitin aktual. Kanë filluar aktivitet në përpilimin e planit konservativ mbrojtje e veçantë. Organizimi i takimeve nga ana e këshillit të fshatit Hoxhë e Madhe me anëtarët ,me përfaqësuesit komunal, takimet janë mbajtur në hapësirat e drejtorisë për urbanizëm. Vizitat e anëtareve të këshillit të fshatit Hoçë e Madhe në Ministrinë e linjave. Gjate qershorit në Prizren është mbajtur takimi i përbashkët të këshillit të fshatit Hoçë e Madhe dhe këshillit të qytetit në Prizren në hapësirat e OSBE-së. Në takim kanë marrë pjesë përfaqësues të Ministrisë se Kulturës, Ministrisë së Planifikimit hapësinor, anëtarët e organizatave joqeveritare. Në shtator në organizimin e OSBE-së anëtarët e këshillit të fshatit Hoçë e Madhe kanë marrë pjesë në seminarin dy ditorë në Tivat dhe Kotorrë të Malit të zi. Tema e seminarit ishte shkëmbimi i praktikave me te mira në mbrojtjen e trashëgimisë kulturore. Në panelin e diskutimit përveç anëtareve të Këshillit kanë marr pjesë edhe përfaqësues të Ministrisë për Kulturë, Rini dhe Sport, Ministrisë për Ambiente dhe Planifikim hapësinor, përfaqësues të Këshillit të qendrës historike të Prizrenit, përfaqësues të drejtorisë për Urbanizëm të komunës se Rahovecit dhe Prizrenit. Shqyrtimi i kërkesës se dërguar nga drejtoria për punë inspektuese me numër 1188/2019,Drejtorja për Punë inspektuese ka kërkuar nga Këshilli i fshatit Hoçë e Madhe të kërkojë nga pronaret e parcelave të cilët kanë lejuar inicimin e procedurave të ndërtimit, për ndërtimin e objekteve të karakterit të banimit dhe disa objekteve përcjellëse për nevojat e kishës.

Kryesuesi - Faleminderit zj. Nazife. Ne të gjithë e kemi përpara edhe raportin të cilën e kemi pasur materialin. Faleminderit për prezantimin. Nëse dikush ka diçka nga kuvendarët atëherë mund ta thuani. Faleminderit shume, a ka dikush diçka, nëse jo, kuvendare të nderuar, ju falënderoj shumë për kontributin e dhënë dhe shihemi në mbledhjen e radhës. Faleminderit shume të gjithëve!

01 Nr.44/2020

Rahovec, 28.02.2020

Procesmbajtësi:

Agim Hoti

